

四庫全書薈要·乾隆御覽本

經部

欽定四庫全書薈要

經部

周禮注疏卷三十三



詳校官原任侍講_臣王燕緒

周禮注疏卷三十三

漢鄭氏注 唐陸德明音義 賈公彥疏

敕入掌王馬之政注政謂差擇養乘之數也月令曰班

馬政疏釋曰此經與下為目下亦有邦國及冢而云王

也者經辨六馬是差擇也下云凡頒良而養乘是養乘也引月令者謂季秋之令彼注云馬政謂齊其色度其力使同乘引此職凡軍事物馬而班之皆是馬政故引為證也辨六馬之屬種馬一物

戎馬一物齊馬一物道馬一物田馬一物駕馬一物注

種謂上善似母者以次差之玉路駕種馬戎路駕戎馬

金路駕齊馬象路駕道馬田路駕田馬駕馬給宮中之

役疏

注釋曰六者皆有毛物不同故皆以物言之此六者先善後惡次第而言也種馬上善似母者以其

言種故知似母但種類亦有似父而言似母者以母為主也知種馬駕玉路已下差次如此者以其言戎道田以事為名則知戎馬駕戎路道馬駕道車田馬駕田路以此而言種馬最在上駕玉路可知駕馬最在下五路之外給

役可知

凡頒良馬而養乘之乘馬一師四圉三乘為阜

阜一趣馬三阜為馭馭一馭夫六馭為廐廐一僕夫六

廐成校校有左右駕馬三良馬之數麗馬一圉八麗一

師八師一趣馬八趣馬一馭夫注良善也善馬五路之馬鄭司農云四匹為乘養馬為圉故春秋傳曰馬有圉牛有牧玄謂二耦為乘師趣馬馭夫僕夫帥之名也趣馬下士馭夫中士則僕夫上士也自乘至廋其數二百一十六匹易乾為馬此應乾之策也至校變為言成者明六馬各一廋而王馬小備也校有左右則良馬一種者四百三十二匹五種合二千一百六十四匹駕馬三之則為千二百九十六匹五良一駕凡三千四百五十六

匹然後王馬大備詩云駮北三千此謂王馬之大數與
麗耦也駮馬自圉至馭夫凡馬千二十四匹與三良馬
之數不相應八皆宜為六字之誤也師十二匹趣馬七
十二匹則馭夫四百三十二匹矣然後而三之既三之
無僕夫者不駕於五路卑之也音義

乘繩證反注及下注乘匹同圉魚呂

反阜才早反趣倉走反劉沈清須反下同數音計本又作繫廋九又反八麗依注八皆音六應應對之應筭初

草反駮音來北類忍反劉扶

疏

釋曰言頌良馬對下別言駮馬養馬有多少不

同故別言良馬也言養乘之者已下皆四四為耦是因養馬而乘習之注釋曰云善馬五路之馬者據上文而

言之也春秋傳曰者昭七年楚茅尹無宇執人於王宮
言馬有圍牛有牧引之證養馬為圍也玄謂師趣馬馭
夫僕夫帥之名也者皆以寡領衆故知主帥之名也云
趣馬下士馭夫中士則僕夫二士也者序官有趣馬下
士卑一人徒四人馭夫中士二十人無僕夫士數之文
以此文官尊者管卑者馭夫既中士明僕夫上士可知
云自乘至廩其數二百一十六匹易乾為馬此應乾之
策也者按易天一生水北方地二生火南方天三生木
東方地四生金西方天五生土中央是謂陽無匹陰無
耦又地六成水北方天七成火南方地八成木東方天
九成金西方地十成土中央是謂陽有匹陰有耦龜取
生數一二三四五著取成數六七八九十若然東方南
方生長之方故七為少陽八為少陰西方北方成熟之
方故九為老陽六為老陰不取十者中央配四方故也
是以易之六爻卦畫七八爻稱九六七八九六既配四
方故九六皆以四乘之乾之六爻以四乘九四九三十

六六爻故二百一十六是為乾之筭也云校有左右則良馬一種者四百三十二匹者經云六廄成校據一廄言之王馬小備下云校有左右則十二廄為十二閑若據一廄一廄為二百一十六匹據兩廄倍之故四百三十二匹種別四百三十二匹五種計之自然總合二千一百六十匹又益駕馬三良馬之數三箇四百三十二則得千二百九十六匹五良一駕總計自然凡三千四百五十六匹對前小備故云然後王馬大備也詩云駉牝三千此衛文公減而復興從而能盛計諸侯止合六閑馬其三千是王馬之數雖非禮制國人羨之故鄭云王馬之大數言大數者不言四百五十六故也言與者約同王馬之數故言與以疑之也云駕馬自圉至馭凡馬千二十四匹與三良之數不應者依經八計之得此千二十四匹其三良馬有千二百九十六匹故言不相當若作六計得千二百九十六匹與三良馬數合故破從六也按此經乘馬一師四圉三乘為早早一趣

馬三阜為繫繫一馭夫按序官云趣馬下士阜一人徒
四十人即與此云阜一趣馬合自師至馭夫中士二十
人下士四十人并之六十正克此良馬
之馭夫又不見駕之馭夫者或脫也
天子十有二閑

馬六種邦國六閑馬四種家四閑馬二種注降殺之差

每廄為一閑諸侯有齊馬道馬田馬大夫有田馬各一

閑其駕馬則皆分為三馬音義

殺所界反疏注釋曰天子十

在上云諸侯有齊馬道馬田馬大夫有田馬各一閑其
駕馬皆分為三馬者以駕馬三良之數上下同故為此
解趙商問校人職天子有十二閑六種為三千四百五
十六匹邦國六閑馬四種為二千五百九十二匹家四
閑馬二種千七百二十八匹商按天子之卿采地食小
都大夫食縣不審所田當能共此馬數故禮記家富不

過百乘謂其多也。以司馬法論之，甸方八里有戎馬四匹，長轂一乘。今大夫采地四甸，一甸稅又給王其餘三甸，纔有馬十二匹。今又就校人之職，相校甚異。何答曰：邦國六閑，四種其數適當千二百九十六匹。家有四閑，二種又當八百六十四匹。今子以何術計之乎？此馬皆君之所制，為非謂民賦畿內百里之國者居四都，五十里之國居四縣，二十五里之國居四甸，而引天子卿食小都大夫食縣，欲何以難？又司馬法甸有戎馬四匹，長轂一乘，此為民出軍賦，無與於天子國馬之數。事條未理而多紛紜，趙商云：邦國二千五百九十二匹者，謂三良一良，四百三十二匹三良，千二百九十六匹，駕三其一種亦千二百九十六匹，故合為二千五百九十二匹。家四閑馬二種為千七百二十八匹，謂良馬一種四百二十二匹，駕馬一種三種良馬一種亦千二百九十六匹，并之千七百二十八匹，正合於數。鄭不從者，天子十二閑分為左右一種馬分為兩廄，故一種馬有四百三十

二匹諸侯及大夫直一廂不分為左右則良馬惟有三廩三良居三廩其數六百四十八匹駕馬亦三其一種其數亦六百四十八匹并之千二百九十六匹家有二種一良一駕良居一廩二百一十六匹駕馬三之為六百四十八匹并之為八百六十四匹故鄭氏云子以何術計之凡馬特居四之一注欲

其乘之性相似也物同氣則心一鄭司農云四之一者

三牝一牡疏

注釋曰云欲其乘之性相似也者是使三牝各產其一通牡為四共駕一車取同氣

一心春祭馬祖執駒注馬祖天駟也孝經說曰房為龍

之義馬鄭司農云執駒無令近母猶攻駒也二歲曰駒三歲

曰駟玄謂執猶拘也春通淫之時駒弱血氣未定為其

乘匹傷之音義

令力呈反下令皆同近附近之近駝徐音筆劉音道李湯堯反沈徒刀反為于

偽反下為

疏

注釋曰馬與人異無先祖可尋而言祭祖者則天駟也故取孝經說房為龍馬是馬

之祖春時通淫求馬蕃息故祭馬祖先鄭云二歲曰駒三歲曰駝爾雅文云玄謂春通淫之時駒弱血氣未定為其乘匹傷之者論語孔子云血氣未定戒之在色馬亦如此故引之而言也按月令仲夏繫騰駒注云為其北氣有餘相蹄鬪彼北氣有餘相蹄鬪繫之不為駒弱者繫有二種此謂二歲者彼據馬之大者故不同也

夏祭先牧頌馬攻特注先牧始養馬者其人未聞夏通

淫之後攻其特為其蹄鬪不可乘用鄭司農云攻特謂

駝之音義

蹄大計反又音啼後同駝音繪又音繩

疏

注釋曰知先牧是養馬者以其言先牧是

放牧者之先始知養馬者祭之者夏草茂求肥充也云
攻特者夏通滌後攻其特為其相蹄齧不可乘用故也

秋祭馬社臧僕注馬社始乘馬者世本作曰相土作乘

馬鄭司農云臧僕謂簡練馭者令皆善也玄謂僕馭五

路之僕音義臧子郎反疏釋曰秋祭馬社者秋時馬肥

而臧僕者亦秋時萬物成教之使善也冬祭馬步馭馬講馭夫注馬步神

為災害馬者獻馬見成馬於王也馭夫馭貳車從車使

車者講猶簡習音義見賢遍反下疏注釋曰馬神稱步

鬼之步之類步與馭字異音義同云獻馬見成馬於王
也者以秋時萬物成亦獻成馬於王也云馭夫馭貳車

從車使車者馭夫文也云講猶簡凡大祭祀朝覲會同習者亦謂秋時物成講之使成也

毛馬而頡之注毛馬齊其色也頡授當乘之音義

毛如字劉

莫報疏注釋曰此三者皆須馬從王知毛馬而頡之為反齊其色者按毛詩傳云宗廟齊象尚純也戎事

齊力尚強也田獵齊足尚疾也爾雅亦云但雖據宗廟至於田獵軍旅既尚疾尚力亦尚色也故下云凡軍事物馬而頡之是尚力也詩云四駟彭彭武王所乘又云四鐵孔阜秦襄公以田是齊色不專據宗廟飾幣

馬執扑而從之注鄭司農云校人主飾之也幣馬以馬

遺人當幣處者也聘禮曰馬則北面奠幣于其前士喪

禮下篇曰薦馬纓三就入門北面交轡圉人夾牽之馭

者執策立于馬後音義

朴音卜反劉万遺反遺惟季反

疏

注釋曰先鄭云以馬當帶

處者見經云飾帶馬馬可飾帶非可飾之物又見下文凡國之使者共其幣馬注云使者所用私覲則知此直以馬遣人無幣且王家遣人無庭實故覲禮勞侯氏用璧無庭實也引聘禮者案聘禮此謂賓入境展幣時布幕訖皮則陳於幕上馬則於幕南北面奠幣於其前引之者證彼則有幣有馬引士喪禮下篇者據將葬朝廟時陳設之事馬為擬乘車所駕故薦之纓三就者謂馬鞅三成舒之入門北面者陳之於廟庭也言交轡者士兩馬二人牽之引之

凡賓客受其幣馬注賓客之幣馬

來朝聘而享王者疏

注釋曰言賓客來朝聘而享王者大行人云廟中將幣三享者是也

使客來聘享王者玉人職

大喪飾遣車之馬及葬狸之

注言狸之則是馬塗車之芻靈音義

狸亡皆反本亦作埋

疏

釋言遣

車則雜記注天子九乘苞大遣奠牲體乘別大牢苞九
个入墳藏之於椁內隄外者注釋曰云塗車之芻靈者
案檀弓孔子云塗車芻靈自古有之芻靈謂以芻草為
人馬神靈謂為俑者不仁俑謂所作偶人孔子善古而
非周則古以泥塗為車至周塗車仍存但刻木為人馬
替古者芻靈今鄭云塗車之芻靈則是仍用芻靈與檀
弓違者周實用俑但鄭舉古之芻
靈况周耳非謂周家仍用芻靈也

田獵則帥驅逆之車

注帥猶將也疏

釋曰驅逆之車田僕設之但校人主車馬帥領田僕而已

凡將事于

四海山川則飾黃駒注四海猶四方也王巡守過大山

川則有殺駒以祈沈禮與玉人職有宗祝以黃金勺前

馬之禮音義

沈直金反
劉直蔭反

疏

釋曰謂王行所過山川設祭禮之然後去則設黃駒以祭

之山川地神土色黃故用黃駒也注釋曰云四海猶四方也者王巡守唯至方岳不至四海夷狄故以四海為

四方云有殺駒以祈沈禮與者爾雅云祭山曰廋縣祭

川曰浮沈今鄭云以祈沈者總解過山川二事言與者

爾雅據正祭此則行過之約與彼同故云與以疑之也

引玉人職者案彼有大璋中璋邊璋過大山川用大璋

過中山川用中璋過小山川用邊璋下云黃金勺青金

外未中此三璋之勺也云黃金勺者即彼三璋之勺也

云前馬之禮者以黃金勺酌酒禮山川在馬牲

前之禮引之者證過山川設禮用馬牲之事也

凡國之

使者共其幣馬注使者所用私覲音義

使所吏反注同

疏

釋曰

之謂王使之下聘問諸侯王行禮後乃更以此幣馬私

與主君相見謂之私覲諸侯之臣與君同行不得私覲

若特聘則有之則聘禮私覲是也若然上文飾幣馬是以馬遺人法非聘故無私覲前賓客來朝聘不言私覲者諸侯之臣於天子不敢行私覲故也

凡軍事物馬而頒之注物馬齊其

力疏

注釋曰上朝會言毛馬鄭云齊其色此軍事言物馬鄭云齊其力物即是色而云齊力當與上文互

以見義欲見皆有力有色也

等馭夫之祿注馭夫於趣馬僕夫為中

舉中見上下疏

注釋曰掌養馬者有趣馬馭夫僕夫三者皆須等其祿獨云馭夫故鄭云舉中

見上

宮中之稍食注師圉府史以下也鄭司農云稍食

曰廩疏

注釋曰上云馭夫之等言士已上訖故知此是師圉府史以下中仍有胥徒之等也

趣馬掌贊正良馬而齊其飲食簡其六節注贊佐也佐

正者謂校人臧僕講馭夫之時簡差也節猶量也差擇

王馬以為六等疏

注釋曰鄭云佐正者校人臧僕講馭夫之時者以其校人是養馬官之長

校人既有此諸事而云佐正明佐此二者可知云差擇王馬六等即上種戎齊道田駕是也

掌駕說

之頒注用馬之第次音義

說始疏注釋曰凡用馬當均銳反勞逸故駕說須依次

第即頒是第次之序故知是用馬之第次也

辨四時之居治以聽馭夫注居

謂牧所處治謂執駒攻特之屬音義

治直吏反注同房音雅後同

疏釋曰云辨四時之居治者謂二月已前八月已後在

夫者以趣馬下士屬馭夫中士故云聽馭夫注釋曰云牧所放牧之處皆有房廠以蔭馬也知治是執駒攻

持者以是校人之事趣馬
當佐之明是此二事也

巫馬掌養疾馬而乘治之相醫而藥攻馬疾受財于校

人注乘謂驅步以發其疾知所疾處乃治之相助也音

義相息亮疏釋曰巫知馬崇醫知馬疾疾則以藥治之

反注同正崇則辨而祈之二者相須故巫助醫也云
受財者謂共馬死則使其賈粥之入其布于校人注布

泉也鄭司農云賈謂其屬官小吏賈二人粥賣也音義

賈音嫁注同又
音古粥音育

牧師掌牧地皆有厲禁而頒之注頒馬投圍者所牧處

疏釋曰言屬禁者謂可牧馬之處亦使其地之民遮護
禁止不得使人輒牧牛馬也注釋曰圍人掌養馬者

故圍人職云掌養馬芻牧之事孟春焚牧注焚牧地以除陳生新草疏

釋曰孟春謂夏之孟春建寅之月草物
將出之時燒焚牧地除陳草生新草也 中春通淫注中

春陰陽交萬物生之時可以合馬之牝牡也月令季春

乃合累牛騰馬遊牝于牧秦時書也秦地寒涼萬物後

動音義中音仲注同累力追反劉音類疏注釋曰按月令季春乃合累

月可以合牛馬繫在廐者其牝欲遊則就牧而合之若
然彼不繫在廐亦二月通淫則與此經合矣今此注以

為月令秦時書秦地寒涼萬物後動與
彼注不同者鄭君兩解故彼此不同也 掌其政令凡田

事贊焚萊注焚萊者山澤之虞疏釋曰焚萊自是山澤之虞當二月焚萊除

陳生新之時則此官贊山澤之虞也

廋人掌十有二閑之政教以阜馬佚特教駢攻駒及祭

馬祖祭閑之先牧及執駒散馬耳圉馬注九者皆有政

教焉阜盛壯也詩云四牡孔阜杜子春云佚當為逸鄭

司農云馬三歲曰駢二歲曰駒散讀為中散大夫之散

謂駘馬耳毋令善驚也玄謂逸者用之不使甚勞安其

血氣也教駢始乘習之也攻駒制其蹄鬣者閑之先牧

先牧制閑者散馬耳以竹括押其耳頭動搖則括中物

後遂串習不復驚音義

佚音逸散素但反注同聒古活反母音無令力呈反下使令同

押音甲中物丁疏

注釋曰云掌十有二閑之政者此文

仲反復扶又反

與下九者為目故鄭云九者皆有政

教馬引詩者證早為盛義也子春以佚為逸後鄭從之

增成其義先鄭散讀為中散大夫之散取音同也謂聒

馬無令善驚後鄭亦增成其義後鄭云閑之先牧先牧

制閑者以其通閑言之也若然上云夏祭先牧者直是

先養馬者非

制閑之人 正校人員選注校人謂師圉也正員選者

選擇可備員者平之疏

注釋曰知校人是師圉者凡言正者以尊正早自趣馬以上並

工官非度人所正

故知所正者師圉

馬八尺以上為龍七尺以上為駉六

尺以上為駉六

尺以上為馬注大小異名爾雅曰騊牡騊北玄駒裹駮

鄭司農說以月令曰駕蒼龍音義

上時掌反下同牡茂后反騊力知反牡騊

絕句北玄頰忍反絕句裹奴了疏注釋曰引爾雅所釋反劉音繞郭璞音同劉義異鄭釋詩騊北三千但詩直言北不言牡爾雅之意以詩人美衛文公直北有三千其實兼有牡故云騊中所有牡則騊色北則玄色兼有駒裹駮引之者證騊是馬色先鄭引月令者謂春之三月天子聽朔及祀帝皆駕蒼龍順時色引之以證龍也

圉師掌教圉人養馬春除蓐蒙廄始牧夏序馬冬獻馬射則克椹質茨牆則剪鬪注蓐馬茲也馬既出而除之

新彙馬神之也春秋傳曰凡馬日中而出日中而入故
字房為訝鄭司農云當為房玄謂房廡也廡所以庇馬
涼也充猶居也茨蓋也闔苦也椹質翦闔圍人所習也

杜子春讀椹為齊人言鈇椹之椹椹質所射者習射處

音義

辱音辱茨在私反闔戶臘反訝五嫁反廡亡甫反
庇必二反又音祕苦傷占反鈇方符反射食亦反

疏

釋曰圍師即校人云良馬乘一師四圍者也云夏房
馬者即趣馬辨四時之居是也云冬獻馬者即校人

冬獻馬尊卑連事相成者也注釋曰春秋傳者左氏莊
二十九年新延廡書不時延廡當於馬時故云凡馬日
中而出日中而入謂春分秋分時今之孟春新延廡故
云不時也云圍人所習也者坐取椹斬坐則苦蓋之類

也皆圉人所習之事于春云椹質所射者習射處者按司弓矢云澤則共椹質之弓矢此云射則克椹質皆謂澤宮中試弓習

武事所克也

圉人掌養馬芻牧之事以役圉師注役者圉師使令馬

疏注釋曰乘馬一師四圉四凡賓客喪紀牽馬而入陳

圉人受圉師之所使令馬

注賓客之馬王所以賜之者詩云雖無予之路車乘馬

喪紀之馬啟後所薦馬疏釋曰雖同牽馬入陳但賓客

與喪紀所陳有異何者若椹

賓客則在館天子使人就館而陳之若喪紀則謂拊奠朝廟時既夕禮薦馬纓三就者是也天子朝廟亦當在祖廟中陳設明器之時亦遣人薦馬及纓入廟陳之此馬謂擬駕乘車吉器最先者也

獻馬亦如

之注廡馬遣車之馬人捧之亦牽而入陳音義

捧眾家並扶恭

反疏

注釋曰此遣車之馬遣車則天子九乘載所苞遣

真

以入墻皆人捧之至亦牽而入陳者亦於祖廟

陳此明器也但遣車及馬各使人別捧故上注云行則解脫之是也

職方氏掌天下之圖以掌天下之地辨其邦國都鄙四夷八蠻七閩九貉五戎六狄之人民與其財用九穀六畜之數要周知其利害注天下之圖如今司空輿地圖也鄭司農云東方曰夷南方曰蠻西方曰戎北方曰貉狄玄謂閩蠻之別也國語曰閩羊蠻矣四八七九五

周之所服國數也財用泉穀貨賄也利金錫竹箭之屬

害神姦鑄鼎所象百物也爾雅曰九夷八蠻六戎五狄

謂之四海音義

閩亡中反又音文又亡千反漢書音義服虔音近蠻應劭音近文鄭氏音是貉

孟白反畜許六反下皆同羊亡氏反劉音如羊

疏釋曰此文

鳴近米季云今周禮本或無此字國語則有

與下為目云辨其邦國據畿外諸侯都鄙據畿內采地

先邦國尊諸侯也云四夷者據四方之夷總目諸方以

九貉當東夷之處注釋曰大司徒云掌建邦之土地之

圖注云地之圖若今司空郡國輿地圖此注不言郡國

者彼直掌九州不言夷狄九州之內有邦國故以郡國

言之此職方兼主夷狄夷狄中漢時不置郡國惟置校

尉掌之故此注亦不言郡國也先鄭云東方曰夷者以

經云四夷即為東夷也然夷之數皆言九於此獨言四

不得即以爲始此不先言九夷者以其已有四夷之名
爲目不可重言九夷故先從南數之也又云北方曰貉
狄者先鄭既以四夷爲東方夷即以貉狄總屬北方也
玄謂閩蠻之別也國語曰閩芋蠻矣者按鄭語史伯曰
蠻芋蠻矣注云謂上言叔熊避難於漢蠻隨其俗如蠻
人也故曰蠻彼不作閩者彼蓋後人轉寫者誤鄭玄以
閩爲正叔熊居漢如蠻後子從分爲七種故謂之七閩
也按經閩雖與蠻七八別數其本是一俱屬南方也云
四八七九五六周之所服國數也者鄭志趙商問職方
氏掌四夷八蠻七閩九貉五戎六狄之數注云周之所
服國數禮記明堂位曰周公六年制禮作樂朝諸侯於
明堂有朝位服事之國數夷九蠻八戎六狄五兩禮之
事異未達其數鄭答職方氏四夷四方夷狄也九貉即
九夷在東方八蠻在南方閩其別也戎狄之數或六或
五兩文異爾雅雖有其數耳皆無別國之名校未甚明
故不定若然爾雅之數與明堂同皆數耳無別國之名

校其錯可知今五六者正是數耳其事鄭不甚明之未
知何者是故不定兩禮俱從是以不著其錯誤按詩序
云蓼蕭澤及四海注云九夷八狄七戎六蠻謂之四海
復與爾雅及禮皆不同者蓼蕭或後人傳寫者誤當以
爾雅與禮為正也云財用泉穀貨賄也者財用為泉穀
貨財疏已備九賦者也云利金錫竹箭之屬者按下經
其利有金錫竹箭之屬是也云害神姦鑄鼎所象百物
也者宣三年楚子問鼎之輕重王孫滿對云夏之方有
德遠方圖物貢金九牧鑄鼎象物百物而為之備使
民知神姦是也引爾雅者見數與此不同之意也 乃

辨九州之國使同貫利注貫事也疏

釋曰職方主九州之事故須分別九

州之國貫事也使同其事利不失其所也

東南曰揚州其山鎮曰會稽其澤

藪曰具區其川三江其浸五湖其利金錫竹箭其民二

男五女其畜宜鳥獸其穀宜稻注鎮名山安地德者也
會稽在山陰大澤曰藪具區五湖在吳南浸可以為陂
灌溉者錫鑠也箭篠也鳥獸孔雀鸞鵠犀象之屬故

書箭為晉杜子春曰晉當為箭書亦或為箭音義

會古外反

藪素口反區起俱反浸子鳩反本又作寢陂彼宜
反溉古愛反鑠音臘篠素了反鵠音交鶻音精

疏釋曰

自此已下陳九州之事總為三道陳之先從南方起蓋
取尊其陽方周改禹貢以徐梁二州合之於雍青分冀
州地以為幽并東南曰揚州次正南曰荊州周之西南
不置州統屬雍州即次河南曰豫州為一道也次正東
曰青州次河東曰兗州次正西曰雍州為二道又次東
北曰幽州次河內曰冀州次正北曰并州為三道若禹

貢治水則為二道又先從下起與此異也然既以徐梁
二州合之於雍青其二道則以冀兗青徐為一道揚荆
豫梁雍為二道云其山鎮曰會稽者九州皆有鎮所以
安地德一州之內其山川澤藪至多選取最大者而言
故鄭云曰其大者也注釋曰云會稽在山陰自此以下
所說山川之等一則目驗而知二則依地理志而說又
所曉處所皆舉郡縣而言云會稽在山陰山陰郡名按
夏本紀太史公或言禹會諸侯於江南計功而崩因葬
焉命曰會稽會稽者會計也皇覽曰禹冢在山陰會稽
山本苗山縣南七里越傳曰禹到越望苗山會諸侯爵
有德封有功者更名苗山曰會稽山因疾死葬棺冢壙
深七尺高三尺土階三寸三周方畝呂氏春秋云禹葬
會稽不煩徒墨子曰禹葬會稽衣裘三領桐棺三寸地
理志云山上有禹井禹傳云一有羣鳥遊田焉是說會
稽之事也云大澤曰藪者按澤虞職大澤大藪注水鍾
曰澤水布曰藪則澤藪別矣今此云大澤曰藪為一物

解之者但澤藪相因亦為一物故云大澤曰藪也云具區五湖在吳南者吳南郡名依地理志南江自吳南震澤在西通而言之亦得在吳南具區即震澤一也云浸可以為陂灌溉者謂灌溉稻田者也云箭篠也箭一名篠故禹貢云篠簋是一物二名也云鳥獸孔雀鸞鳩鵠者解鳥也云犀象者解獸也陰時見有此鳥獸故據言馬按禹貢云九江今在廬江尋陽南皆東合為大江揚州所以得有三江者江至尋陽南合為一東行至揚州入彭蠡復分為三道而入海故得有三江也

正南曰荊州其山鎮曰衡山其澤藪曰雲瞢其川江漢其浸潁湛其利丹銀齒草其民一男二女其畜宜鳥獸其穀宜稻注衡山在湘南雲瞢在華容潁出陽城宜屬豫州在此非也湛未聞齒象齒

也草犀兕草也杜子春云湛讀當為人名湛之湛湛或

為淮音義

晉亡貢反劉亡鳳反李一音亡雄疏釋曰其反湛直減反劉又音沈李唐感反

疏

釋曰其川江漢

者揚州云三江不言漢此荆州直言江不言三兼云漢者此州江未分為三故直云江此州有漢水過焉故江漢並言也上文揚州云其利金錫竹箭不云丹銀齒草按禹貢荆揚二州俱云貢金三品則二州通有金錫也其民一男二女多於揚州其畜穀與揚州同注釋曰云雲膏在華容者按禹貢荆州雲土夢作又得為澤者按彼注云其中有平土丘水去可為作猷猷之治則此據有水之處亦得為澤也云潁出陽城宜屬豫州在此非也者鄭據地理志故知合在豫州又昭元年王使劉定公勞趙孟于潁亦在豫州故破之云湛未聞者據地理志無文未知何處也云齒象齒也者對則齒牙別通而言之牙亦得為齒故詩頌云元龜象齒是牙齒通也云

草屨兕草也者以其利則可貢所貢之草惟用為甲故
函人有屨兕春秋云屨兕尚多子春云湛讀當為人名
湛之湛俗讀也湛
或為淮不從也 河南曰豫州其山鎮曰華山其澤穀

曰圃田其川滎雒其浸波澆其利林漆絲枲其民二男

三女其畜宜六擾其穀宜五種注華山在華陰圃田在

中牟滎充水也出東垣入于河決為滎滎在滎陽波讀

為播禹貢曰滎播既都春秋傳曰楚子除道梁澆營軍

臨隨則澆宜屬荊州在此非也林竹木也六擾馬牛羊

豕犬雞五種黍稷菽麥稻音義

華如字劉胡化反圃布古反滎戶高反澆音詐

左傳音同李莊加反字林同劉昨雖反云與音大不同故今從高貴公臬思似反擾而少反徐劉音饒中如字牟莫侯反李中音仲牟又無不反洪音疏注釋曰云榮逸播音波下同都張魚反本或作錯疏充水也者按禹貢濟出王屋始出兗東流為濟南渡河決為榮春秋戰於榮澤是也云出東垣者地理志文也云波讀為播者按禹貢有播水無波故引禹貢為證也春秋者左氏莊四年傳文云林竹木也者地官山林別官故鄭注云竹木生平地曰林今許州見平地多林木故云林竹木也云六擾馬牛羊豕犬雖者此與爾雅六畜及周禮六牲一也必知五種是黍稷菽麥稻者此州東與青州相接青州有稻麥西與雍州相接雍州有黍稷故知有此四種但此九州不言麻與菽及苽鄭必知取菽者蓋以當時目驗而知故添為五種也

正東曰青

州其山鎮曰沂山其澤藪曰望諸其川淮泗其浸沂沐

其利蒲魚其民二男二女其畜宜雞狗其穀宜稻麥注

沂山沂水所出也在蓋望諸明都也在睢陽沫出東莞

二男二女數等似誤也蓋當與兗州同二男三女鄭司

農云淮或為睢沫或為沫音義

沂魚祈反泗音四沫音述李音餘戍反明都禹

貢作孟猶今依書讀睢音疏

注釋曰鄭知沂山沂水所出者沂水出沂山水乃取

名於山故知沂水出焉云在蓋者蓋亦縣名按禹貢云海岱及淮惟徐州又云淮沂其乂注云淮沂二水名地

理志沂水出今大山蓋縣不在青州者周公以禹貢徐州地為青故也云望諸明都也者按禹貢云道柯澤被

明都彼禹貢無望諸故從明都按春秋宋蕞澤有孟諸明都即宋之孟諸者也經有淮泗不言者以上文有江

及此淮并下文河鄭皆不言所在者以四瀆之名入皆知之故略而不言也按禹貢淮出桐柏泗水在魯國出濟陰乘氏東又至零陵入淮行千二百一十里沐出東莞屬瑯琊南至下邳入泗云二男二女穀等似誤也者若本有此數等當言一男一女明不作二男二女青州西北與兗州相接宜與兗州同二男三女也

河東

曰兗州其山鎮曰岱山其澤數曰大野其川河涕其浸

盧維其利蒲魚其民二男三女其畜宜六擾其穀宜四

種注岱山在博大野在鉅野盧維當為雷雍字之誤也

禹貢曰雷夏既澤雍沮會同雷夏在城陽四種黍稷稻

麥音義

野如字劉音與涕子禮反盧音疏注釋曰博與雷維於恭反鉅音巨沮七除反鉅野皆郡縣

名破盧維為雷雍者地理志禹貢無盧維又字類雷雍故破從之引禹貢為證也知四種黍稷稻麥者以其東與青州相接青州有稻麥西與冀州相接冀州有黍稷故知也

正西曰雍州其山鎮曰

嶽山其澤藪曰弦蒲其川涇汭其浸渭洛其利玉石其

民三男二女其畜宜牛馬其穀宜黍稷注嶽吳嶽也及

弦蒲在涇涇出涇陽汭在幽地詩大雅公劉曰汭坻之

即洛出懷德鄭司農云弦或為汧蒲或為浦音義

雍於用反

下注州名同汭如銳

反李又而類又汧徐口千反劉

疏

苦見反李一音空定反幽彼貧反坻弓六反詩作鞠

釋曰云其利玉石蓋田見有玉山出玉石以為利者也其穀宜黍稷見雍州宜麥不言者但黍稷麥並宜以黍

稷為主注釋曰云嶽吳嶽也及弦蒲在汧者按地理志吳山在汧西有弦蒲之藪汧水出焉西北入渭渭出鳥鼠山也云汭在幽地詩大雅公劉曰汭坻之即若然汭為水名按彼毛傳云汭水厓也箋云汭之言內也水之內曰隩水之外曰鞠訖澗水之內外而居與此義違者按詩上云夾其皇澗邇其過澗故以汭鞠為外內今為水名者蓋周公制禮之時以汭為水名汭即皇澗名曰汭耳猶禹貢大岳至周為霍山也云洛出懷德者此洛即詩云瞻彼洛矣一也與禹貢導洛自熊耳者別也以其彼洛出上洛經王城至虎牢入河

東北曰

幽州其山鎮曰醫無閭其澤藪曰獫狁其川河泂其浸菑時其利魚鹽其民一男三女其畜宜四擾其穀宜三種注醫無閭在遼東獫狁在長廣菑出萊蕪時出般陽

四擾馬牛羊豕三種黍稷稻杜子春讀獮為奚音義

音獮

兮般步疏注釋曰云醫無閭在遼東者目驗知之漢光

干反

疏

武十三年以遼東屬青州二十四年還屬幽

州云獮養在長廣者長廣縣名地理志長廣屬徐州瑯

琊有萊山周時幽州南侵徐州之地也知三種黍稷稻

者西與冀州相接冀州有黍稷幽

州見宜稻故知三種黍稷稻也

河內曰冀州其山鎮

曰霍山其澤藪曰楊紆其川漳其浸汾潞其利松柏其

民五男三女其畜宜牛羊其穀宜黍稷注霍山在羸楊

紆所在未聞漳出長子汾出汾陽潞出歸德音義

紆於于反

汾扶文反潞音路長子丁疏注釋曰其利松柏霍山見

文反長子縣名屬上黨

疏

有松柏出焉云霍山在羸

者苑則厲王流于苑後為縣名漢改為永安縣按禹貢既脩大原至于岳陽覃懷底績至于衡漳注云岳陽大原之南漳水橫流入河地理志大原今為郡名大岳在河東縣苑東名霍大山覃懷為縣名屬河內漳水出上黨沾大變谷東北至安平阜城入河行千六百八十里始是長子即上黨也汾陽歸德皆郡名

正北曰

并州其山鎮曰恒山其澤藪曰昭餘祁其川虜池嘔夷其浸涑易其利布帛其民二男三女其畜宜五擾其穀宜五種注恒山在上曲陽昭餘祈在鄆虜池出鹵城嘔夷祁夷與出平舒涑出廣昌易出故安五擾馬牛羊犬豕五種黍稷菽麥稻也凡九州及山鎮澤藪言曰者以

其非一曰其大者耳此州界揚荊豫兗雍冀與禹貢略

同青州則徐州地也幽并則青冀之北也無徐梁音義

庫喚胡反李呼哥反又香刑反池徒多反李如字嘔烏

侯反一音驅鄔徐於據反縣名屬太原劉烏古反鹵音

魯疏注釋曰上曲陽鄔鹵城平舒廣昌故安皆按地理

志知之云五擾馬牛羊犬豕者六擾中雞為緩故

去之云五種黍稷菽麥稻也者若饋用六穀則兼有苽

若民之要用則去苽故知是此五者周公設經六擾之

內三擾已上則言擾二擾則指獸名若三四不滿六者

從下次去之六穀之內三種已上即言種二者則指穀

名云凡九州及山鎮澤藪言曰者以其非一曰其大者

耳者但一州之內山川多少各有其一而言曰故云曰

其大者云此州界揚荊豫兗雍冀與禹貢略同者不失

本處雖得舊處猶有相侵入不得正故云略同若周之

兗州於禹貢侵青徐之地周之青州於禹貢侵豫州之地周之雍豫於禹貢兼梁州之地周之冀州於禹貢小於禹貢時冀州以其北有幽州并州故知也周之九州無徐梁禹貢有徐梁無幽并爾雅云兩河間曰冀州河南曰豫州濟東曰徐州河西曰雍州漢南曰荊州江南曰揚州燕曰幽州濟河間曰兗州齊曰營州詩譜曰雍梁荊豫徐揚之民咸被其化數不同者禹貢所云堯舜法爾雅所云似夏法詩譜所云似殷法亦禹貢與三代不同是以州名有異自古以來皆有九州惟舜時暫置十二州至夏還為九州故春秋云夏之方有德也貢金九牧是也但自神農已上有大九州柱州迎州神州之等至黃帝以來德不及遠惟於神州之內分為九州故括地象云崑崙東南萬五千里名曰神州是也九州之內所有山川或有解出其處者至如江河淮泗漢洛等不釋所出者此等皆禹貢有成文如彼導洛自熊耳導渭自鳥鼠導河自積石導江自岷山導淮自桐柏導漢

自蟠冢為此故不言也至於禹貢雖言義理不明者此亦辨之若禹貢涇屬渭洎彼直言涇水入渭不言導之所從如此之類皆須釋其所出也乃辨九服之邦國方千里曰王畿其

外方五百里曰侯服又其外方五百里曰甸服又其外方五百里曰男服又其外方五百里曰采服又其外方五百里曰衛服又其外方五百里曰蠻服又其外方五百里曰夷服又其外方五百里曰鎮服又其外方五百

里曰藩服注服服事天子也詩云侯服于周

疏釋曰此言九服

仍除王畿為數故從其外已下為九也此九服之名言侯者侯之言侯為王斥侯言甸者甸之言田為王治田

出稅言男者男之言任也為王任其職理采者事也為
王事民以供工言衛者為王衛禦言蠻者近夷狄蠻之
言蠻以政教廢來之自此已下皆夷狄諸言夷者以其
在夷狄中故以夷言之言鎮者以其入夷狄深故須鎮
守之言藩者以其最在外為藩籬故以藩為稱蠻服大
司為謂之要服言要亦是要束為義自侯服已下各舉
一邊為號皆互而通也其夷狄三服亦自互而相通是
以大行人總謂之藩國世一見也注釋曰此總解服之
意引詩云侯服于周者見諸侯
皆服事于周之義故稱服也 凡邦國千里封公以方

五百里則四公方四百里則六侯方三百里則七伯方
二百里則二十五子方百里則百男以周知天下注以
此率徧知四海九州邦國多少之數也方千里者為方

百里者百以方三百里之積以九約之得十一有奇云
七伯者字之誤也周九州之界方七千里七七四十九
方千里者四十九其一為畿內餘四十八八州各有方
千里者六周公變殷湯之制雖小國地皆方百里是每
事言則者設法也設法者以待有功而大其封一州之
中以其千里封公則可四又以其千里封侯則可六又
以其千里封伯則可十一又以其千里封子則可二十
五又以其千里封男則可百公侯伯子男亦不是過也

州二百一十國以男備其數焉其餘以為附庸四海之
封黜陟之功亦如之雖有大國爵稱子而已鄭司農云
此制亦見大司徒職曰諸公之地方五百里諸侯之地
方四百里諸伯之地方三百里諸子之地方二百里諸

男之地方百里音義

率音律又音類編音遍
奇紀宜反見賢遍反

疏

釋曰言
凡邦國

者畿外要服已內有八州州別置二百一十國總有千
六百八十國故云凡也云千里封公以方五百里則四
公者八州州別有千里之方六取一千里以封公又取
一千里以封侯又取一千里以封伯又取一千里以封
子又取一千里以封男一州總取千里之方充五等諸
侯其不滿二百一十國者更取餘一千里方作男國者

備之使滿餘剩地作附庸間田八州皆然總結之以周知天下注釋曰云以此率者八州皆為此法故云以此率也云徧知四海九州邦國多少之數也者釋經周知天下也云方千里者為方百里者百以方三百里之積以九約之得十一有奇者云方千里開方之百里一截縱橫皆為十截十十而百則得為方百里者百云以方三百里之積以九約之者方三百里三三而九用為方百里者九十九為十一伯餘有方百里者一不盡故云十一有奇也今經云方三百里則七伯故言云七伯者字之誤也以十一似七字故云字之誤也云周九州之界方七千里者以先王之作土有三焉若太平之時土廣萬里中國七千中平之世土廣七千中國五千衰末之世土廣五千中國三千王制云公侯方百里伯七十里子男五十里此是夏制五等爵三等受地殷湯承之合伯子男為一惟有公侯伯三等爵三等受地與夏同武王伐紂增以子男爵地與夏同以九州之界尚狹故

也至武王崩成王幼不能踐阼周公攝政六年致太平制禮成武王之意斥大九州九州方七千里五等之爵五等受地則此經所云者是也故云周九州之界方七千里云七七四十九方千里者四十九其一為畿內其餘四十八八州各有方千里者六周公爰殷湯之制雖小國地皆方百里者若然殷三等爵三等受地地有百里七十里五十里至周公無問有功無功皆益滿百里以其不滿百里不成國故也既皆滿百里其餘待有功乃益之地公有功益滿五百里侯有功益滿四百里伯有功益滿三百里子有功益滿二百里男有功只得百里更有功乃更進之與子爵云是每事言則者設法也設法者以待有功而大其封者必知不即封而言設法以待有功者以其稱公者惟有二王後及東西大伯今八州皆言方千里封公則四公八州豈有三十二公乎明知五者皆是設法以待有功乃大其封也若無功縱本是公爵惟守百里地謂若虞公虢公舊是殷之公至

周仍守百里國以無功故也故注王制云是以周世有
爵尊而國小爵卑而國大云一州之中以其千里封公
則可四又以其千里封侯則可六又以其千里封伯則
可十一又以其千里封子則可二十五又以其千里封
男則可百鄭云此者欲計一州須滿二百一十國之意
云公侯伯子男亦不是過也者五百里以下若過五百
里則是特賜法若魯衛之等是也云州二百一十國者
此據王制文彼下又云天子縣內九十三國凡九州千
七百七十三國是通畿內外為數並是殷周國數也既
以州有千里之方六已用五個千里方為前五等國數
以前公國已得四侯六伯十一子二十五男百總得一
百四十六於二百一十國仍少六十四鄭云以男備其
數必知以男備其數者若不以男備數則餘千里者一
充數不足何得更餘為附庸若然則更取餘方一千里
開方之得百里之方百於前侯國六用千里方仍有二
百里方一開方之得四個男國於前伯國十一用千里

方一又得一個男國得此五國添前一百四十六為一百五十一仍少五十九更取餘千里方一開方之得百里之方百取五十九為五十九國添前百五十一得二百一十國餘仍殘百里之方四十一鄭云其餘以為附庸者以附庸不滿百里故也王制兼開田而言此直云為附庸文略不具其實人作附庸即受之無附庸則為開田使大夫治之以利民稅若周之畿內四等公邑者也云四海之封黜陟之功亦如之者鄭以上經九服總言此經惟言要服已內九州不言四海夷狄諸侯故鄭兼見四海夷鎮藩言黜陟之功亦如之者亦皆有百里二百里地有功者進地得與侯伯三百四百同但不進爵耳無功有過則退之云雖有大國爵稱子而已者曲禮云其在東夷北狄西戎南蠻雖大曰子鄭注云雖有侯伯之地爵亦無過子是同名曰子是也

國小大相維注大國比小國小國事大國各有屬相維

聯也音義

比毗志反下文
比小國并注同

疏

注釋曰春秋之世小國朝
大國大國聘小國又有敵

國自相聘是以司儀公侯伯子男相為賓又相為國客
故易比象云先王以建萬國親諸侯又王制云五國以
為屬屬有長十國以為連連有帥三十國以為卒卒有
正二百一十國以為州州有伯彼雖是殷之諸侯亦是
各有屬相維聯之事

王設其牧注選諸侯之賢者為牧

也故鄭據而言也

使牧理之疏

注釋曰此即大宰云建其牧是也按大宗
伯注并曲禮注皆兼伯而言此直言諸侯

者以侯為主無賢
侯乃兼伯可也

制其職各以其所能注牧監參伍之

屬用能所任秩次疏

注釋曰此即大宰云設官分職彼
下文又云施典於邦國而建其牧

立其監設其參傳其伍陳其設置其輔也云
用能所任秩次者稱其所任則以次祿秩之制其貢各

以其所有注國之地物所有疏

注釋曰諸侯國無貢於王法民間得稅大國半

次國三之一小國四之一皆市取當國所有以貢於王即大宰九貢小行人云春入貢及禹貢厥篚厥貢之類

是也故鄭云國之地物所有也

王將巡守則戒于四方曰各脩平乃守

攷乃職事無敢不敬戒國有大刑注乃猶女也守謂國

竟之內職事所當共具音義

女音汝竟音境共音恭又九用反

疏

釋曰職方

氏既主四方諸侯故至十二年王將巡守之時先以文書戒勅于四方曰各脩汝當國所守境內待王之務無得失所又當考校汝所擬供王職事若不敬戒國有大刑大刑謂殺之也及王之所行先道

帥其屬而巡戒令注先道先由王所從道居前行其前

日所戒之令疏釋曰此謂王將發行之時即在王前巡行前日所施戒令豫備之等如前所施

與王殷國亦如之注殷猶衆也十二歲王若不巡守則

六服盡朝謂之殷國其戒四方諸侯與巡守同音義直朝

遙疏釋曰王有故不巡守於方岳之下則春東方盡來反疏夏南方盡來秋西方盡來冬北方盡來王待之亦

各於其時在國外為壇行朝覲盟載之法若然則王自在國外為之而云亦如之者亦如上文戒令四方諸侯者王殷國所在無常或在畿內國城外即為之或向畿外諸侯之國行之故有戒令之事也

土方氏掌土圭之法以致日景注致日景者夏至景尺

有五寸冬至景丈三尺其間則日有長短音義景如字疏

注釋曰按王人職土圭尺有五寸以致日先鄭注大司徒以為於潁川陽城夏至晝漏半立八尺之表表北得尺五寸景適與土圭等則為地中以建王國也冬至景丈三尺者亦於潁川陽城晝漏半立八尺表表北得丈三尺景亦為地中云其間則日有長短者謂冬至日極短夏至日極長其極長極短之間冬至後日漸長夏至後日漸短假令冬至日南至之後日漸北之時日行大分六小分四大分者一寸為十分小分者十分寸之一分又為十分但日景一寸則於地千里大分一為百里小分一則為十里則冬至後日向南行六百四十里但冬至丈三尺景除本尺五寸外加丈一尺五寸從冬至至春分晝夜等之時則減五尺七寸半景從春分到夏至又減五尺七寸半景則減晝丈一尺五寸惟有尺五寸在以為夏至之景南戴日下萬五千里謂之地中故云其間則以土地相宅而建國都鄙注土地又度地日有長短也

知東西南北之深而相其可居者宅居也音義

相息亮反注同

度大洛反疏釋曰上經據建王國度地瀆此經據封畿深尸鳩反疏外及畿內都鄙注釋曰景一寸差千里一分則百里但封邦國都鄙無過五百里已下則取分無取於寸一分則百里為男國亦為大都已上差之二分則二百里子國已外可知若小都五十里則為小分五分若大夫二十五里則為小分二分半言東西南北之深者景侵入為深地之遠近里數侵入亦為深也言相宅者既欲度景先相所居乃後度之以辨土

宜土化之瀆而授任地者注土宜謂九穀植穉所宜也

土化地之輕重糞種所宜用也任地者載師之屬音義

植張力反穉直疏釋曰既為土方氏非直度地相宅亦更反種章勇反當相地所宜故須辨土宜并土化之

瀆而授任地者此謂以書作瀆授之注釋曰九穀之文出於九職言土宜明是土地所宜故以此解之云土化地之輕重糞種所宜用也者謂若草人職掌糞種之瀆地有九種輕重不同其所用糞種若用廩用牛之等是也云任地者載師之屬者載師掌任地

王巡守則樹王

事下文廩里已下皆是任地之事也

舍注為之藩羅疏

注釋曰謂若掌舍設柱桓之時則此官亦為王於外周而樹藩羅

懷方氏掌來遠方之民致方貢致遠物而送逆之達之

以節注遠方之民四夷之民也諭德延譽以來之遠物

九州之外無貢瀆而至者達民以旌節達貢物以璽節

疏

釋曰既職名懷方懷來也故來遠方之民及致方貢之等注釋曰知諭德延譽以來之者經直言來遠方

不言別有餘事故惟曉諭以王之德美又延引以王之
美譽以招來之云遠物九州之外無貢瀆而至者此經
上文致方貢謂六服諸侯又云致遠物宜是藩國是以
大行人上云侯服世一見其貢祀物之等下文云藩國
世一見各以貴寶為贄文與此相當故知義然也知達
民以旌節達貢物以璽節者達民則行道路貢物即是
貨賄故掌節云道路用旌節貨賄以璽節是也
治其委積館舍飲食注續食其
往來音義續食音嗣疏注釋曰按遺人云十里有廬廬有飲
市有積司儀云遂行如入之積是續食其往來也

合方氏掌達天下之道路注津梁相奏不得陷絕音義

奏采豆反疏釋曰官名合方氏當使天下通其財利注茂
本或作湊下和合故通達天下道路

遷其有無疏

注釋曰按尚書益稷云懋遷有無化居禹治水後懋勉天下徙有之無易其居積若

材木徙川澤魚鹽徙

山林是通其財利 同其數器注權衡不得有輕重疏

注釋曰施教設治之方先須均其度量權衡是以天子

巡守及王者新升皆為此事故堯典及舜典明堂位皆

陳數器之等鄭知此數器是權

衡者下別見度量故知義然 壹其度量注尺丈釜鍾

不得有大小疏

注釋曰此云壹即上同也鄭云不得有大小者按律歷志以子穀秬黍中者九

十黍黃鍾之長千二百黍其實一籥合籥為合十合為

升十升為斗十斗為斛百黍為銖二十四銖為兩十六

兩為斤三十斤為鈞四鈞為石一黍為一分十分為寸

十寸為尺十尺為丈十丈為引是五度五量皆有大小

也 除其怨惡注怨惡邦國相侵虐疏

注釋曰合方氏欲使人和合故除其

邦國相怨惡即相侵伐及相虐殺之等也同其好善注所好所善謂風俗所

高尚音義

好呼報反注及下同高如字劉古到反

疏

注釋曰按孝經樂以移風易俗既風俗別

言則風俗異矣風謂政教所施故曰上以風化下又云風以動之是也俗謂民所承襲故曰君子行禮不求變俗是也風所高解好俗所尚解善也

訓方氏掌道四方之政事與其上下之志注道猶言也

為王說之四方諸侯也上下君臣也音義

為于偽疏釋反下同

訓方氏訓四方美惡而向王言之以其政事及君臣上下皆有善惡

誦四方之傳道注傳

道世世所傳說往古之事也為王誦之若今論聖德堯

舜之道矣故書傳為傳杜子春云傳當作傳書亦或為

傳音義

傳直專反注同

疏釋曰上所云政事及上下之志知則

恒誦之在口王問則為王誦之以其善道可傳故須誦之

正歲則布而訓四方注布

告以教天下使知世所善惡疏

注釋曰正歲謂夏之建寅正月則布告前所道

所誦之事教天下使知世所善惡也

而觀新物注四時於新物出則觀之

以知民志所好惡志淫行辟則當以政教化正之音義

惡烏路反行下孟反辟匹亦反

疏注釋曰此訓方觀新物知民善惡之

所好惡志淫行僻則當以政教化正之與此為類故鄭引以釋經也

形方氏掌制邦國之地域而正其封疆無有華離之地

注杜子春云離當為雜書亦或為雜玄謂華讀為佻哨

之佻正之使不佻邪離絕音義

華依注音佻苦哇反哨劉羊售反沈且笑反邪

似嗟

疏

釋曰形方氏主知四方土地形勢故使掌作邦國之地域大小形勢又當正其封疆勿使相侵

注釋曰王者地有佻邪離絕遞相侵入不正故今正之佻者兩頭寬中狹邪者謂一頭寬一頭狹云佻哨之佻者投壺禮主人云枉矢哨壺哨是不正之義故讀從之

使小國事大國大國比小

國注比猶親也易比象曰先王以建萬國親諸侯疏

釋曰

此亦如工職方氏云大小相維義同注言親諸侯使諸侯相親遞相朝聘是也

山師掌山林之名辨其物與其利害而頒之于邦國使

致其珍異之物注山林之名與物若岱畎絲枲嶧陽孤

桐矣利其中人用者害毒物及螫噬之蟲獸音義畎古反

劉孤茗反又孤善反嶧音亦疏釋曰此山師及下川師

螫音釋劉呼洛反噬音逝疏原師等皆是遙掌畿外

邦國之內山川原隰之等使出稅珍異以供王家也注

釋曰按禹貢青州云岱畎絲枲畎谷也岱山之谷有之

徐州云嶧陽孤桐孤特也嶧山之陽特生之桐中為琴

瑟云害毒物及螫噬之蟲者謂蛇蝮蝎之屬也岱畎

嶧陽是其名絲枲

孤桐是其物也

川師掌川澤之名辨其物與其利害而頒之于邦國使

致其珍異之物注川澤之名與物若泗濱浮磬淮夷蠙

珠暨魚澤之萑蒲音義

蠙薄田反劉扶忍反沈音蠙暨其器反沈其氣反萑音丸

疏

注釋曰徐州云泗濱浮磬淮夷蠙珠暨魚注云泗水涯水中見石可以為磬蠙珠珠名淮夷二水出蠙珠與美魚

遼師掌四方之地名辨其丘陵墳衍隰隤之名注地名

謂東原大陸之屬音義

墳扶疏釋曰爾雅釋地高平曰云反原此雖以原為主除山

林川澤四者餘丘陵墳衍原隰六者皆主之故云辨其丘陵已下也按鄭注大司徒云土之高者曰丘大阜曰陵水涯曰墳下平曰衍高平曰原下濕曰隰皆有名注釋曰尚書禹貢有東原底平大陸既作是地名也物

之可以封邑者注物之謂相其土地可以居民立邑音

義

相息亮反疏注釋曰按小司徒云四井為邑據田中千室

民

據城二者皆須相其物邑善惡然後封

匡人掌達瀆則匡邦國而觀其慝使無敢反側以聽王

命注瀆則八瀆八則也邦國之官府都鄙亦用焉慝姦

偽之惡也反側猶背違瀆度也書曰無反無側王道正

直音義

慝他得反背音佩

疏

釋曰匡正也所以正人故掌通達瀆則於天下邦國而觀其慝使無

慝惡使無敢反側也注釋曰云瀆則八瀆八則者按大宰云八瀆治官府八則治都鄙謂王朝官府及畿內都

鄙今云以濩則匡正邦國而觀其惠即據諸侯外內雖殊八濩八則治官府都鄙則同故治諸侯之官府都鄙亦用焉云背違濩度者即是違濩則也書者洪範皇極之章

揮人掌誦王志道國之政事以巡天下之邦國而語之

注道猶言也以王之志與政事諭說諸侯使不迷惑音

義語魚據反說如字劉尺銳反疏釋曰誦王志者在心為志欲得使

國之政事用此二事以巡國天下順從若揮取王之此志又道而語之使不迷惑而向王使萬民和說而正王面注

面猶鄉也使民之心曉而正鄉王音義說音悅鄉許亮反下同疏

釋曰以上二事向諸侯說之使諸侯化民而萬民正向于王

都司馬掌都之士庶子及其衆庶車馬兵甲之戒令注

庶子卿大夫士之子車馬兵甲備軍發卒疏

釋曰此王都司馬故

序官注都王子弟所封及三公采地也司馬主其軍賦故此云掌都之士庶子按宮伯注云士適子庶子其支庶此都之士庶子亦然云及其衆庶車馬兵甲之戒令者若王家有軍事徵兵于采地都鄙則都司馬以書致於士庶子有此衆庶車馬兵甲之戒令士庶子受而依行之

以國灋掌其政學注政

謂賦稅也學脩德學道音義

政音征本亦作政音下同

疏注釋曰云政謂賦稅

者正謂軍之賦稅無田稅泉稅之等知學是脩德學道者此亦依國子而言故知亦是脩德學道也以聽

國司馬注聽者受行其所徵為也國司馬大司馬之屬

皆是疏

注釋曰都司馬所掌皆受大司馬之灋而戒令使都之士庶子所有徵為皆取國之大司馬

之灋云大司馬之屬皆是者經國司馬不云大則小司馬軍司馬與司馬皆得稟其戒令

家司馬亦

如之注大夫家臣為司馬者春秋傳曰叔孫氏之司馬

駿戾音義

駿子公反疏注釋曰按序官云家司馬各使戾力計反其臣以正於公司馬鄭云家卿

大夫采地正猶聽也公司馬國司馬也卿大夫之采地王不特置司馬各自使其家臣為司馬主其地之軍賦往聽政於王之司馬其以王命來有事則曰國司馬若然是卿之小都大夫采地皆家自置司馬之明文引春秋者左氏昭二十五年叔孫氏之司馬駿戾言於其眾曰若之何莫對又曰我家臣也不敢知國彼是諸侯卿家自置司馬此王之卿大夫之家亦自置引諸侯家法者自置是同故得引以況義也

周禮注疏卷三十三

周禮注疏卷三十三考證

度人馬八尺以上為龍注爾雅曰騂牡驪牝玄駒褭騂

○臣宗楷

按爾雅原文云騂牝驪牡與此異郭氏讀

牡字絕句鄭氏檀弓注引之以牝驪牡玄為句今此
牡牝互異并句法俱從釋文

河東曰兗州其浸盧維○盧監本作廬今從石經釋文
作盧

正西曰雍州注詩大雅公劉曰汭坻之即○坻詩作鞠

河內曰冀州疏覃懷為縣名○此先述經文覃懷而更以懷縣名解之則為字乃懷字之訛也

又始是長子即上黨也○是疑自字之訛

周禮注疏卷三十三考證

謹案第十九頁前五行疏汭坵之即刊本坵說泥
今改

第二十頁前三行疏徐州琅邪刊本琅邪二字並
訛作玦今改


前三行疏大夔谷刊本夔訛鼃據水經注改
後四行昭餘祁刊本祁訛祈下同今並改

第二十一頁前一行注以其非一刊本其訛共據
疏文改

前三行音義嘔烏侯反刊本嘔訛區今改

第二十九頁後三行疏堯典刊本典訛日今改





覆校官編修臣劉種之

校對官編修臣李光雲

謄錄監生臣魏綿曾

欽定四庫全書薈要

經部

周禮注疏卷三十四

詳校官原任侍講臣王燕緒



周禮注疏卷三十四

漢鄭氏注 唐陸德明音義 賈公彥疏

秋官司寇第五

惟王建國辨方正位體國經野設官分職以為民極疏

釋曰義已具在天官

乃立秋官司寇使帥其屬而掌邦禁以佐王

刑邦國注禁所以防姦者也刑正人之法孝經說曰刑

者例也過出罪施音義

刑音疏

注釋曰云禁所以防姦者也者案士師五禁以

左右刑罰王者恐民以姦八罪故先設禁示之防其姦
惡若有不忌為姦然後以刑罪之云刑正人之法者刑
期於無刑以殺止殺故云刑正人之法也云孝經說曰
者孝經援神契五刑章曰刑者例也過出罪施者下例
為著也行刑者所以著人身體過誤者出之實罪者施
刑是以尚書云眚災肆赦怙終賊刑引之者證司寇行
刑當審慎也

刑官之屬大司寇卿一人小司寇中大夫二人
士師下大夫四人鄉士上士八人中士十有六人旅下
士三十有二人注士察也主察獄訟之事者鄭司農說

以論語曰柳下惠為士師鄉士主六鄉之獄音義

卿音香注

同疏

釋曰自此已下論設官分職之事云刑官之屬者此一句總為刑官六十官為目故云之屬云大司

寇卿一人六命小司寇中大夫二人四命士師者秋官
之考雖下大夫四人亦四命鄉士其職云掌國中
兼百里內六鄉以八八分主六鄉故謂之鄉士上士八
人三命中士十有六人二命旅下士三十有二人一命
下士言旅旅衆也小官理衆事也注釋曰訓士為察者
義取察理獄訟是以刑官多稱士先鄭引論語士師欲
見士官理獄訟之事案上代以來獄官之名有異是以
月令命理瞻傷察磨鄭注云有虞氏曰士夏曰大理周
曰大司寇天子諸侯同故魯有司寇晉魏絳亦云歸死
於司寇至於衰世國異政家殊俗官名隨意所造故僖
二十八年晉有士榮為大士文十年楚子西云臣歸死
于司敗論語云陳司敗昭十四年士景伯如楚叔魚攝
理是後官號

府六人史十有二人胥十有二人徒百有

不同者也

二十人疏

釋曰在此者府治藏吏史作文書胥為什長
徒給繇役義已在天官疏自大司寇已下至

胥徒皆是同官別職故各有職而同府史也

遂士中士十有二人府六人史十有二人胥十有二人

徒百有二十人注遂士主六遂之獄者疏

釋曰在此者崇其職云掌

四郊四郊有六遂之獄故也鄉士主六鄉之獄遂士主六遂之獄所以鄉士使上士官尊而人少遂士使中士官卑而人多者六遂去王遠故官卑以六遂在遠郊外無主公邑地廣人衆故官多

縣士中士三十有二人府八人史十有六人胥十有六

人徒百有六十人注距王城三百里至四百里曰縣縣

士主縣之獄者疏

釋曰在此者崇其職云掌野謂掌三等公邑之獄故鄉於縣士職注云二

百里以外至三百里曰野三百里以外至四百里曰縣
四百里以外至五百里曰都都外曰野大總言之故其
職云掌野其六遂之中公邑之獄遂士兼掌之矣既三
處獄竝掌而此注云距王城三百里至四百里曰縣似
不主三百里中五百里中獄者縣在四百
里中故舉中以言其實外內皆掌之耳

方士中士十有六人府八人史十有六人胥十有六人

徒百有六十人注方士主四方都家之獄者疏釋曰在此者案

其職云掌都家鄭彼注云都王子弟及公卿之采地家
大夫之采地此三等采地之獄采地在王城四方故云
方士也是以鄭此注云方
士主四方都家之獄者也

訝士中士八人府四人史八人胥八人徒八十八人注訝

迎也士官之迎四方賓客音義

訝五疏釋曰在此者案

之獄訟非直迎賓客實以獄訟為主故亦以士名之也

朝士中士六人府三人史六人胥六人徒六十人注朝

士主外朝之法音義

朝直逆反卷內同

疏

釋曰在此者案其職云掌建邦外朝之法

左九棘右九棘之事以朝主為詢衆庶讞疑獄故屬秋官但序官之法秋官雖為刑獄所施至於防禁之屬皆在秋官又以賓客是主人所敬故鄉飲酒坐賓於西北象天地嚴疑之氣始於西南或於西北是以賓客之事亦屬焉注釋曰云朝士主外朝之法者天子諸侯皆三朝內朝二路門外與路寢庭是也外朝一此朝在皋門內庫門外是也

司民中士六人府三人史六人胥三人徒三十人注司

民主民數疏

釋曰在此者案其職云掌登萬民之數凡斷獄契訟必須知民年幾老幼是以司民

雖非刑獄連類在此也

司刑中士二人府一人史二人胥二人徒二十人疏

釋曰

在此者案其職云掌五刑之法以麗萬民之罪故其職在此

司刺下士二人府一人史二人徒四人注刺殺也三訊

罪定則殺之音義

刺七賜反訊音信

疏

釋曰在此者案其職云掌三刺三宥三赦之法

亦是刑獄之類故在此

司約下士二人府一人史二人徒四人注約言語之約

束音義

約劉於妙反一音如字注同束劉詩樹反一音如字

疏

釋曰在此者案其職云掌邦國及萬

民之約劑亦是禁戒之事故在此

司盟下士二人府一人史二人徒四人注盟以約辭告

神殺牲敵血明著其信也曲禮曰涖牲曰盟音義

約於妙反

敵所疏釋曰在此者案其職云掌盟載洽反疏之法亦是禁戒之事故在此

職金上士二人下士四人府二人史四人胥八人徒八

十人注職主也疏

釋曰在此者案其職云掌凡金玉之戒令又云掌受金罰貨罰亦是刑獄

之事故
在此

司厲下士二人史一人徒十有二人注犯政為惡曰厲

厲士主盜賊之兵器及其奴者疏

釋曰在此者案其職云掌盜賊之任器又

云其奴男子入於罪隸亦是刑獄之事故在此也注釋曰云犯政為惡曰厲者厲是惡鬼殺厲之事故以造惡為厲也云厲士主盜賊之兵器者其職文也

犬人下士二人府一人史二人賈四人徒十六人音義

賈音嫁疏釋曰在此者案其職云凡祭祀共犬牲犬是又音古正金畜故五行傳云二曰言言之不從則有犬禍故連類在此犬有兩義案說卦艮為狗艮卦在丑艮為止以能吠守止人則屬艮以能言則屬兌兌為言故

也

司圜中士六人下士十有二人府三人史六人胥十有

六人徒百有六十人注鄭司農云圜謂圜土也圜土謂

獄城也今獄城曰圜司圜職中言凡圜土之刑人也以

此知圜者謂圜土也又大司寇職曰以圜土聚教罷民

故司圜職曰掌收教罷民音義

圜于權反罷音皮下同

疏

釋曰在此者案

其職云掌圜土之刑人亦刑獄之事故在此注釋曰先鄭所引皆當其義故後鄭從之但獄城圜者東方主規

規主仁恩凡斷獄以仁恩求出之故圜也

掌囚下士十有二人府六人史十有二人徒百有二十

人注囚拘也主拘繫當刑殺之者疏

釋曰在此者案其職云掌守盜賊凡

囚者刑獄之事故在此也

掌戮下士二人史一人徒十有二人注戮猶辱也既斬

殺又辱之疏

釋曰在此者案其職云掌斬殺賊謀而搏之刑罪之事故在此

司隸中士二人下士十有二人府五人史十人胥二十

人徒二百人注隸給勞辱之役者漢始置司隸亦使將

徒治道溝渠之役後稍尊之使主官府及近郡疏

釋曰在此

者案其職云掌五隸之法五隸皆是罪人故在此注釋曰以隸是罪人為奴僕故知給勞辱之役也又引漢始置司隸云云者以漢時司隸官與周同故舉以為況也

罪隸百有二十人注盜賊之家為奴者疏釋曰此中國

古者有大罪身既從戮男女緣坐男子入於罪隸女子入於舂臺故注云盜賊之家為奴者也蠻隸已下皆百二十人者鄭云凡隸衆矣此其選以為役員者謂隸中選取善者以為役之員數以百二十人為限其餘衆者以為隸民故司隸職云帥其民而搏盜賊役國中之辱事之等是百二十人外謂之民者也

蠻隸百有二十人注征南夷所獲

閩隸百有二十人注閩南蠻之別音義

閩亡中反又音文

夷隸百有二十人注征東夷所獲

貉隸百有二十人注征東北夷所獲凡隸衆矣此其選

以為役員其餘謂之隸民音義

貉益百反

布憲中士二人下士四人府二人史四人胥四人徒四

十人注憲表也主表刑禁者疏釋曰在此者案其職云掌憲邦之刑禁故在此

也注釋曰知憲不為法而為表者案其職云正月之吉執旌節以宣布于四方而憲邦之刑禁明憲為表懸示

人使知者也

禁殺戮下士二人史一人徒十有二人注禁殺戮者禁

民不得相殺戮疏

釋曰在此者案其職云掌司斬殺戮者以告而誅之是禁民相殺戮之事

故此在此也

禁暴氏下士六人史三人胥六人徒六十人疏

釋曰此亦謂禁

民不得相陵暴在此者案其職云掌禁庶民之亂暴力正者亦是防禁之事故在此也

野廬氏下士六人胥十有二人徒百有二十人注廬窻

客行道所舍疏

釋曰在此者案其職云掌達國道路又云掌凡道禁亦是禁戒之事故在此也

注釋曰知廬是窻客行道所舍者見道人云十里有廬三十里有宿故知之也

蜡氏下士四人徒四十人注蜡骨肉腐臭蠅蟲所蜡也

月令曰掩骼埋骹此官之職也蜡請如狙司之狙音義

蜡清預反注同蠅以繩反骼更白反狸疏釋曰在此者

亡皆反本又作埋骹本又作醬似賜反疏案其職云掌

除骹又云凡國之大祭祀禁刑者凶服者亦是禁戒之

事故在此注釋曰引月令掩骼埋骹者案彼注骨枯曰

骼肉腐曰骹掩亦埋但骼骹不同故別言也言骼骹者

凡人物皆是云蜡請如狙司之狙者俗有狙司之言故

請從音也若然月令所云是春時今不在春官者彼月

令為春時陽不欲行陰之事故在春此取禁戒之事故

在秋也

也

雍氏下士二人徒八人注雍謂隄坊止水者也音義

於雍

勇反劉如字注

疏

釋曰在此者案其職云掌溝瀆澮池之禁亦是禁戒之事故在此也

同隄丁兮反

萍氏下士二人徒八人注鄭司農云萍讀為蜚或為萍

號起雨之萍玄謂今天問萍號作萍爾雅曰萍萍其大

者蘋讀如小子言平之平萍氏主水禁萍之草無根而

浮取名於其不沉溺音義

萍音平又蒲丁反蜚蒲丁反爾雅云蚘蟻郭注云甲蟲

大如虎豆綠色萍號蒲丁反萍音疏釋曰在此者案

平本亦作萍同萍蒲丁反蘋音頻其職云掌園之

水禁亦是禁戒之事故在此也注釋曰先鄭讀萍為蜚

取音同云或為萍號起雨之萍者亦天問之文萍亦浮
萍之草也玄謂今天問者離騷有天問篇天不可問故
以天問為名此就足先鄭音義同引爾雅萍萍其大者
蘋者此以義相曉也云讀如小子言平之平者俗讀取
音同皆取萍水草無根而浮不沈某使人使不沈溺如萍

也

司寤氏下士二人徒八人注寤覺也主夜覺者音義

音覺

教下

疏

釋曰在此者案其職云禦農行者禁宵行者夜遊者是禁戒之事故在此也注釋曰言寤覺也

主夜覺者凡人之寐臥恒在寢得禁之者人有夜寐忽覺而漫出門者故謂之為夜覺也

司烜氏下士六人徒十有二人注烜火也讀如衛侯燬

之燬故書燬為垣鄭司農云當為烜音義

烜音毀注燬同垣劉音袁

疏

釋曰在此者案其職云掌取明火又以木鐸脩大禁亦是禁戒之事故在此也注釋曰云讀如衛侯燬之

燬者春秋左氏衛侯燬滅邢詩云王室如燬燬火之別名也

條狼氏下士六人胥六人徒六十人注杜子春云條當

為滌器之滌立謂滌除也狼狼扈道上音義

條音滌徒歷反注同

疏

釋曰在此者案其職云掌執鞭以趨辟凡誓僕及誓馭之等是禁戒之事故在此也注釋曰云滌器之滌

者讀從郊特牲在滌少牢命滌等之滌也云狼狼扈道上者謂不竭之物在道猶今言狼藉也

脩閭氏下士二人史一人徒十有二人注閭謂里門疏

釋曰在此者案其職云掌比國中宿互櫜者亦是禁戒之事故在此也注釋曰云閭謂里門者爾雅云巷門謂

之閭故知是二十五家之里門也

冥氏下士二人徒八人注鄭司農云冥讀為冥氏春秋

之冥玄謂冥方之冥以繩靡取禽獸之名音義

冥如字又莫歷

反靡亡

疏釋曰

在此者案其職云掌設弧張為阱獲以

皮反

攻猛獸

是冥然使之不覺亦是禁守之事故

在此注釋曰云冥氏春秋者冥氏作春秋書名若晏子

呂氏春秋之類取其音請也後鄭云冥方之冥亦取音

同云以繩靡取禽獸之名者

解冥是冥然使不覺之意也

庶氏下士一人徒四人注庶讀如藥煮之煮驅除毒蟲

之言書不作蠱者字從聲音義

庶依注音藥煮之煮又章預反蠱音古

疏

釋曰在此者案其職云掌除毒蠱是除惡之事故在此

也注釋曰云庶讀如藥煮之煮者俗讀意取以藥煮去

病去毒蠱亦如是云書不作蠱者字從聲者除

蠱者庶是去之意故為庶不為蠱也是其取聲

穴氏下士一人徒四人注穴搏螫獸所藏者音義

搏劉音

音付螫

疏

釋曰在此者案其職云掌攻螫獸是除猛惡

直立反疏之事故在此也注釋曰云穴搏螫獸所藏者

凡獸螫皆藏在穴中故以穴為官名使取螫獸也

翼氏下士二人徒八人注翼鳥翮也鄭司農云翼讀為

翅翼之翅音義

翼音翅失

疏

釋曰在此者案其職云

義故在此注釋曰云翼鳥翮也者翫本曰翮凡鳥有羽翼者皆有翮故云翼鳥翮也凡翼翅皆作翅不作翼故

彼從之也

柞氏下士八人徒二十人注柞除木之名除木者必先

刊剝之鄭司農云柞讀為音聲喏喏之喏屋柞之柞音

義

柞側百反注喏屋疏釋曰在此者案其職云掌攻草

柞皆同剝古飽反木亦是除惡之義故在此注釋

曰知柞是除木之名者見詩云載芟載柞芟是除草明

柞是除木也云除木者必先刊剝之者見其職云夏日

至令刊陽木而火之冬日至令剝陰木而水之是先刊

剝之先鄭讀柞為音聲喏喏之喏者讀從春秋行扈喏

者俗讀皆從音同也

雍氏下士二人徒二十人注書雍或作夷鄭司農云掌

殺草故春秋傳曰如農夫之務去草芟夷蘊崇之又今

俗間謂麥下為夷下言芟夷其麥以其下種禾豆也立

謂難讀如鬋小兒頭之鬋書或作夷此皆剪草也字從

類耳月令曰燒難行水謂燒所芟草乃水之音義

難字或作

雉同他計反徐庭計反去起呂反芟所

街反蘊紆紛反徐憂羣反鬋他計反

疏釋曰在此者

案其職云掌

殺草亦是除惡之義故在此也注釋曰先鄭從古書難

為夷故引古今而為證也春秋者左氏傳隱六年夏五

月鄭伯侵陳往歲鄭伯請成於陳陳侯不許五父諫曰

親仁善鄰國之寶也又云周任有言曰為國家者見惡

如農夫之務去草芟夷蘊崇之注云芟刈夷殺蘊積崇

聚玄謂難讀如鬋小兒頭之鬋者俗讀也云字從類耳

者人髮之鬋從髮難草還草下為之故云類也月令

者仲夏令引之者欲見難草須燒之又須水之意也

若族氏下士一人徒二人注鄭司農云若讀為撻族讀

為爵族之族謂巢也玄謂碧古字從石折聲音義

碧音他

歷反徐支列反沈勅徹反

疏

釋曰在此者案其職云掌覆天鳥之巢是除惡之類

李又思亦反族倉獨反

故在此注釋曰先鄭請碧為搥後鄭不從者先鄭意以為杖搥破之故從搥後鄭意以石物等投擲為義故不從先鄭又請族為爵族之族者爵族是雀窠後鄭從之玄謂碧古字從石折聲者以石投擲毀之故古字從石以折為聲是上聲下形字也

翦氏下士一人徒二人注翦斷滅之言也主除蟲蠹者

詩云實始翦商音義

蠹都路反

疏

注釋曰在此者案其職云掌除蟲物故鄭云翦斷滅

之言也主除蟲蠹者故在此引詩者證翦是翦除

赤友氏下士一人徒二人注赤友猶言赫拔也主除蟲

多自理者音義

赤如字一音采昔反友徐音跋畔未反劉房未反赫采昔反徐呼酒反拔畔未

反劉房未反或蒲

疏

釋曰在此者某其職云掌除墻屋注除蟲豸藏逃其中者爾雅釋蟲

云有足曰蟲無足曰多亦是除惡之義故在此注釋曰言赤友猶言赫拔者赫拔除去之也

蝮氏下士一人徒二人注鄭司農云蝮讀為蟻蟻蝮蟻

也月令曰螻蝮鳴故曰掌去鼃鼃蝮蝮蟻蟻屬書或為

掌去蝮蟻玄謂蝮今御所食蛙也字從蟲國聲也蟻乃

短狐與音義

蝮音古獲反注同劉音或又音國蟻劉音或一音古獲反蝮音進蟻音麻螻音樓鼃

戶蝮反又斛佳反沈和佳反與音餘下官與同疏釋曰在此者
劉斛佳反沈和佳反與音餘下官與同正案其職云掌
去鼃鼃亦足除惡之義故在此也注釋曰先鄭以蝮為
蝮又以蝮為蝮後鄭不從鼃鼃蝮屬是其類也云
書或為掌去蝮蟊者於義可也玄謂蝮今御所食蛙也
者蛙蝮為一物云字從蝮國聲也者國與蝮為聲所謂
左形右聲者也云蝮乃短狐與者案莊公十八年秋有
蝮服云短狐南方盛暑所生其狀如鼃古無今有含沙
射人入皮肉中其瘡如疥偏身中獲獲蝮賊故曰災禮
曰惑君則有案五行志劉向以為蝮生南越由齊姜滋
惑莊公故
生於魯

壺涿氏下士一人徒二人注壺謂瓦鼓涿擊之也故書
涿為獨鄭司農云獨讀為濁其源之濁音與涿相近書

亦或為獨音義

濁涉角反又音近附近之近疏釋曰在此者案其職

惡之類故在此也注釋曰壺乃盛酒之器非可濁之物故知是瓦鼓必知是瓦者雖無正文考工記有陶人旃人造瓦器甌水蟲非六鼓故知瓦鼓也先鄭雖請濁為濁聲轉字誤故為濁猶從豕為義故後邨引之在下濁其源太玄

經文也

庭氏下士一人徒二人注庭氏主射妖鳥令國中潔清

如庭者也音義

射食亦反清才性反又如字

疏

釋曰在此者案其職云掌射國中天鳥亦

是除惡之類故在此也

銜枚氏下士二人徒八人注銜枚止言語囂譁也枚狀

如箸橫銜之為之縷結於項音義反下同謹音歎著直

慮反縷戶卦疏釋曰在此者禁其職云大祭祀令禁無

反又胡麥反疏釋曰在此者禁戒之事故在此也注釋曰云

狀如箸橫銜之為之縷結於項者縷謂以組為之繫著兩頭於項後結之

伊耆氏下士一人徒二人注伊耆古王者號始為蜡以

息老物此主王者之齒杖後王識伊耆氏之舊德而以

名官與今姓有伊耆氏音義者巨之反疏釋曰在此者

共杖杖老者所依杖是長老之方故在此注釋曰案明

堂位云土鼓鼗柷鞀籥伊耆氏之樂也鄭注亦云伊耆

氏古天子有天下之號云始為蜡以息老物者郊特牲

之事故也云此主王者之齒杖後王識伊耆氏之舊德則周家以前而以名官與者言後王識伊耆氏之舊德則周家以前為後王至周又因之故

不指周而云後王也

大行人中大夫二人小行人下大夫四人司儀上士八人中士十有六人行夫下士三十有二人府四人史八

人胥八人徒八十人注行夫主國使之禮音義使所吏反疏

釋曰此四官在此者皆主賓客嚴凝之事故也亦謂別職同官故四官各有職司而共府史胥徒也注釋曰大行人小行人司儀皆掌賓客之禮不見注解至行夫獨注之以官獨多於餘官以主國使之禮至於美惡無禮皆使之故官多於餘官也

環人中士四人史四人胥四人徒四十人注環猶圍也

主園賓客任器為之守衛音義

環戶闕反劉戶串反

疏釋曰在此者案其職

云賓客舍則授館令聚榘亦是禁守之事故在此也注釋曰云主園賓客之任器為之守衛者其職文也

象胥每翟上士一人中士二人下士八人徒二十人注

通夷狄之言者曰象胥其有才知者也此類之本名東

方曰寄南方曰象西方曰狄靺北方曰譯今總名曰象

者周之德先致南方也音義

知音智親丁兮反譯音亦疏釋曰在此者案其職

云掌四夷之國使以傳賓主之語故亦連類在此也注釋曰云此類之本名東方已下皆王制文云寄者賓主

不相解語故寄中國語於東夷又寄東夷語於中國使
相領解云象者傳南方於中國還象中國以傳之與南
方人語則還象南方語而傳之云狄鞮者鄭彼注云鞮
之言知也雖不訓狄狄即敵也謂言語相敵使之知也
云北方曰譯者譯即易謂換易言語使相解也云總名
曰象者四方別稱經唯有一家故云總名曰象云周之
德先致南方也者即詩序所云文王之德被於江漢是
也又書序云巢伯來朝注巢伯殷之諸侯聞武王克商
慕義而來朝此皆致南方故象得總名也

掌客上士二人下士四人府一人史二人胥二人徒二

十人疏

釋曰在此者案其職云掌賓客牢禮之陳亦是賓客嚴凝象秋故在此

掌訝中士八人府二人史四人胥四人徒四十人注訝

迎也賓客來主迎之鄭司農云訝請為跛者訝跛者之

訝音義

跛波疏釋曰在此者案其職云掌迎賓客故連可反疏類在此注釋曰先鄭云跛者訝跛者之

訝此公羊傳文時晉使卻克聘齊卻克跛齊使跛者往御御亦訝也故請從之也

掌交中士八人府二人史四人徒三十有二人注主交

通結諸侯之好音義

好呼疏釋曰在此者案其職云掌報反疏九禁之難有禁戒之事故

在此也

掌察四方中士八人史四人徒十有六人

掌貨賄下士十有六人史四人徒三十有二人疏

釋曰在此

者蓋督察邦國之事及掌邦國所致貨賄但二官闕不可強言也

朝大夫每國上士二人下士四人府一人史二人庶子

八人徒二十人注此王之士也使主都家之國治而命

之朝大夫云音義

治直疏釋曰在此者業其職云掌都吏反疏釋曰在此者業其職云掌都

秋故都家之治亦在此注釋曰此云每國上士二人是王朝之士以其主采地之國治事重則名之曰朝大夫云畿內三等采地雖有百里五十里二十五里總謂之國若王制云九十三國也云庶子者蓋亦主采地之

諸子今在府史之下蓋官長所自辟除也

都則中士一人下士二人府一人史二人庶子四人徒

八十人注都則主都家之八則者也當言每都如朝大

夫及都司馬云疏注釋曰此官已闕鄭知主八則者太

則八則也

都士中士二人下士四人府二人史四人胥四人徒四

十人家士亦如之注都家之士主治都家吏民之獄訟

以告方士者也亦當言每都疏注釋曰在此者此官雖

則知主獄故鄭云都家之士主治都家吏民之獄訟以

告方士者也必知王家不置都士而云都家之士者以

其都司馬使王臣為之家司馬家自置司馬以司馬主

軍事重故王置都司馬此刑事輕於軍故都家王皆不

置都士但已有方士主其獄
故使都家之士以獄告也

大司寇之職掌建邦之三典以佐王刑邦國詰四方注

典法也詰謹也書曰王旻荒度作詳刑以詰四方音義

詰起吉反旻莫疏釋曰大司寇云佐王刑邦國詰四方
報反度待洛反疏不言刑王國詰畿內者王官不嫌不

刑詰在內故舉外以見內也大宰云以六典治邦國今
此更言建三典者彼六典自是六官之典此三典自是

刑之三典與彼別故司寇別施之注釋曰典法也案大
宰注云典法則所用異異其名也故云典法也引書者

呂刑篇文呂侯訓夏贖刑王耄荒度作詳刑以詰四方
謂周穆王年老耄亂荒忽猶能用賢量度詳審之刑以

詰謹四方引之者 一曰刑新國用輕典注新國者新辟
證詰為謹義也

地立君之國用輕法者為其民未習於教音義

為于疏
偽反

注釋曰云新國者新辟地立君之國者謂若世衰夷狄
內侵國君誅滅聖人後作日辟國百里既攘夷狄國空

無主民不獨治須立君化之則是新辟地立君之國者
也趙商問族師職曰四閭為族八閭為聯使之相保相

受刑罰慶賞相及在康誥曰父不慈子不孝兄不友弟
不恭不相及也族師之職鄰比相生康誥之云門內尚

寬不知書禮孰錯未達指趣答曰族師之職周公新制
禮使民相拱勅法康誥之時周法未定天下又新誅三

監務在尚寬以安天下先後量時各有云為乃謂是錯
也若然言周公之時未定天下即是新國更云新誅三

監假令周法先定新誅之國亦
是新國故此云新辟地立君也**二曰刑平國用中典注**

平國承平守成之國也用中典者常行之法疏

注釋曰
云平國

承平守成之國也者謂先君受封後君承前平安
守持成立之國民已被化則用常行之法以治之 三曰

刑亂國用重典注亂國篡殺叛逆之國用重典者以其

化惡伐滅之音義

篡初惡反殺音
試本亦作殺

疏注釋曰云亂國篡

謂若州吁篡國崔杼弑君滅統叛魯此皆逆亂之國如
此之國民起惡心故於常法之外為惡者則當伐滅之

也以五刑糾萬民注刑亦法也糾猶察異之疏

注釋曰
此五刑

與尋常正五刑墨劓之等別刑亦法也此五法者或一
刑之中而合五或此五刑全不入五刑者云糾猶察異

之者謂萬民犯五刑察取與之罪使別異善
惡則尚書畢命云旌別淑慝表厥宅里是也

一曰野刑

上功糾力注功農功力勤力疏

注釋曰以其言野則國
外若鄉大夫云野自六

尺之類既言在野為功故知功是農功力是勤力也

二曰軍刑上命糾守注命將

命也守不失部伍音義

守劉音狩注同將子匠反

疏

注釋曰以其在軍相外之事將

軍裁之故知命是將命也軍行必有部分卒伍故云不失部伍也

三曰鄉刑上德糾孝

注德六德也善父母為孝疏

注釋曰謂在鄉中之刑大司徒云以鄉三物教萬民

一曰六德知仁聖義忠和既言在鄉故知德是六德教民者非教國子三德教胥九德者也善父母為孝爾雅

釋文四曰官刑上能糾職注能其事也職職事脩理

疏 注釋曰知能是能其事職職事脩理者以其言官官中見能見職明知義然 五曰國刑上

愿糾暴注愿慙慎也暴當為恭字之誤也音義

愿音願劉又音

原依注暴作疏注釋曰知為恭不作暴者以其上四刑恭慙若角反疏注釋曰知為恭不作暴者以其上四刑皆糾察其善不糾其惡以類言之故知是恭恭又似暴字故云字之誤也以園土聚教罷民注園土獄城也聚

罷民其中困苦以教之為善也民不慙作勞有似於罷

音義

罷音皮注下皆同慙音敏劉凶疏注釋曰此已下覲反尚書作暨又作昏皆訓強疏說罷民云教之

者正謂夜入園土晝則役之司空困苦則歸善故鄭云困苦以教之為善云民不慙作勞有似於罷者罷謂困極罷弊此園土被囚而役是不慙強作勞之民有似罷弊之民也凡害人者寘之園土

而施職事焉以明刑恥之注害人謂為邪惡已有過失麗於法者以其不故犯法寘之園土繫教之庶其困悔

而能改也寘置也施職事以所能役使之明刑書其罪

惡於大方版著其背音義

寘之豉反又音示邪似嗟反下同著丁略反一音直略反

疏

注釋曰云害人謂為邪惡已有過失屨於法者案司救職云凡民之有衰惡者三讓而罰三罰而士加明

刑恥諸嘉石役諸司空即此下文者是也此謂語言無忌侮慢長老過淺直坐之嘉石不入園土者也彼下文

又云其有過失者三讓而罰三罰而歸於園土此謂抽拔兵劔誤以傷人罪重不坐嘉石徑入園土晝日亦役之司空夜入園土者也此罷民本無故意直是過誤比入五刑者為輕比坐嘉石者為重故云已屨於法屨於法乃入園

其能改者反于中國不齒三年注反于中國

謂舍之還於故鄉里也司園職曰上罪三年而舍中罪

二年而舍下罪一年而舍不齒者不得以年次列於平

民疏

釋曰云能改正謂在園土不出自思已過是能改也注釋曰言反于中國者虞書有五宅三居彼不

在中國此則反還於故鄉里也引司園職已下見舍之遠近此所舍鄉則玉藻所謂垂綫五寸惰游之士也

也其不能改而出園土者殺注出謂逃亡疏

釋曰云不能改正謂

不能伏思已過而出園土也

以兩造禁民訟入東矢於朝然後聽之

注訟謂以財貨相告者造至也使訟者兩至既兩至使

入東矢乃治之也不至不入東矢則是自服不直者也

必入矢者取其直也詩曰其直如矢古者一弓百矢束

矢其百个與音義

造七報反注同个古賀反與音餘

疏

釋曰此并下二經論禁民獄訟

不使虛誣之事言禁者謂先令入乘矢不實則没入官若不入則是自服不直是禁民省事之法也注釋曰云訟謂以貨財相告者以對下文獄是相告以罪名也此相對之法若散文則通是以銜侯與元咍訟是罪名亦曰訟云古者一弓百矢者尚書文侯之命平王賜晉文侯及僖二十八年襄王賜晉文公皆云彤弓一彤矢百故知一弓百矢云東矢其百个與者彼是所賜此乃入官約同之故云與以疑之泮水詩云東矢其搜毛云五十矢曰束後鄭從之者彼或據現在以兩劑禁民獄入弓矢數與受賜者異故從毛傳也

鈞金三日乃致于朝然後聽之注獄謂相告以罪名者

劑今券書也使獄者各齎券書既兩券書使入鈞金又

三日乃治之重刑也不券書不入金則是亦自服不直

者也必入金者取其堅也三十斤曰鈞音義

劄子疏釋

此一經聽爭罪之事與上聽訟有異此則各遣持劄之

書契又入金不入矢三日乃致于朝者皆謂以獄事重

於訟事故鄭云重刑也注釋曰云微謂相告以罪名者

對前相告以財貨為訟也云劄今券書也者小宰注云

簿書之最日獄訟之要辭皆曰契則劄謂券書者謂獄

訟之要辭若王叔氏不能舉其

契是也三十斤曰鈞律歷志文以嘉石平罷民注嘉石

文石也對之外朝門左平成也成之使善音義

文如字

對音

疏

注釋曰此嘉石肺石在朝士職朝士屬大司寇

樹疏故見之爾云嘉石文石也者以其言嘉嘉善也

有文乃稱嘉故知文石也欲使罷民思其文理以改悔自脩樹之外朝門左朝士文也 凡萬民之

有罪過而未麗於灋而害於州里者桎梏而坐諸嘉石
役諸司空重罪旬有三日坐暮役其次九日坐九月役
其次七日坐七月役其次五日坐五月役其下罪三日
坐三月役使州里任之則宥而舍之注有罪過謂邪惡
之人所罪過者也麗附也未附於灋未著於灋也木在
足曰桎在手曰梏役諸司空坐日訖使給百工之役也
役月訖使其州里之人任之乃赦之宥寬也音義

桎音
梏音

古毒反著直略反
下附猶著皆同

疏

釋曰云未麗於瀆祇謂入園土為
瀆此坐嘉石之罷民未入園土差

輕故也云害於州里者謂語言無忌侮慢長老云桎
而坐諸嘉石者謂坐時坐日滿役諸司空則無桎也
此已下輕重有五節皆就語言侮慢之中斟酌為輕重
分五等也云使州里任之者仍恐習前為非而不改故
使州長里宰保任乃舍之以稍輕入鄉則得與鄉人齒
亦無垂綾五寸之事也注釋曰鄭云木在足曰桎在手曰楛知
者無正文見掌囚云上罪桎拳而桎拳謂兩手共一木
楛與拳連言故知楛在手桎在足也廣雅云手問之楛
械足問之桎械亦是手曰楛足曰桎為志冷剛問大畜
六四童牛之楛元吉注巽為木互體震震為牛之足足
在艮體之中艮為手持木以就足是施楛又蒙初六注
云木在足曰桎在手曰楛今大畜六四施楛于足不審
曰桎楛手足定有別否答以肺石達窮民注肺石赤石也
曰牛無手故以足言之

窮民天民之窮而無告者音義

肺芳疏注釋曰云肺石廢反赤石也者陰陽

療疾法肺屬南方火火色赤肺亦赤故知名肺石是赤石也必使之坐赤石者使之赤心不妄告也云窮民天民之窮而無告者王制文彼上文云少而無父者謂之孤老而無子者謂之獨老而無妻者謂之鰥老而無夫者謂之寡此四者天民之窮而無告者也皆有常饗

凡遠近惇獨老幼之欲有復

於上而其長弗達者立於肺石三日士聽其辭以告於

上而罪其長注無兄弟曰惇無子孫曰獨復猶報也上

謂王與六卿也報之者若上書詣公府言事矣長謂諸

侯若鄉遂大夫音義

惇其營反長丁丈反疏釋曰言遠下及注同上時掌反近者無有

遠近畿外畿內之民皆有惇獨老幼之等云欲有復於上而其長弗達者謂長官不肯通達審知其貧困者故須復報於上如此之類是上窮民即未立於石也注釋曰鄭知惇是無兄弟者王制己有孤獨寡不見惇則惇是無兄弟可知也是以尚書洪範亦云無虛惇獨而設高明孔云惇單無兄弟也無子曰獨云無子孫曰獨者桀王制唯云老而無子曰獨今兼云孫者無子有孫不為獨故兼云無孫也鄭不釋經老幼者老則無夫無妻幼則無父可知故不釋也知上是王與六卿者六卿竝知國政皆得受冤訴故兼六卿言之云長謂諸侯若鄉遂大夫者冤訴之人天下皆是故長亦兼天下故以畿外諸侯及畿內鄉遂大夫皆得為長也若然不言三等永地之主及三公邑大夫者在長中可知故舉外內以包之也

正月之吉始和布刑

于邦國都鄙乃縣刑象之灋于象魏使萬民觀刑象挾

日而斂之注正月朔日布五刑於天下正歲又縣其書

重之音義

縣音懸注及下同
扶子協反

疏

釋曰正月之吉者謂建子之月正月一日也言始和

者大宰注凡治有故言始和者若改造云爾其實不改也云布刑于邦國都鄙者正月和即以此月布于天下云乃縣刑象之法于象魏者謂建寅正歲邦國及都鄙并王家雉門皆一時縣之斂之者天子斂藏於明堂諸侯斂藏於祖廟日月受而行之謂之聽朔注釋曰鄭云天下即邦國都鄙也云正歲又縣其書重之知正歲乃縣者亦約小

司寇知之也

凡邦之大盟約涖其盟書而登之于天府

注涖臨也天府祖廟之藏音義

約於妙反
藏才浪反
疏釋曰云凡

約者謂王與諸侯因大會同而與盟所有約誓之辭云涖其盟書而登于天府者既臨其盟書因即登此盟書

于天府注釋曰云天府
祖廟之藏者天府職文

大史內史司會及六官皆受其

貳而藏之注六官六卿之官也貳副也音義

會古外反
下司會皆

同疏

釋曰大史內史司會掌事皆與六卿同
故皆有副貳盟辭而藏之擬相勘當也

凡諸侯之

獄訟以邦典定之注邦典六典也以六典待邦國之治

音義

治直吏
反下同疏注釋曰云邦典六典也者案大宰職以
典待邦國之治故邦國有獄訟之事來

詣王府遂以
邦典定之

凡卿大夫之獄訟以邦灋斷之注邦灋八

灋也以八灋待官府之治音義

斷丁亂反
下注皆同疏釋曰案大

灋治官府是以卿大夫有獄訟遂以邦之八灋斷之也
若然大宰有八則治都鄙此不言都鄙有獄訟以八則

斷之者都鄙有獄訟都家之士
告于方士治之故此不言也
凡庶民之獄訟以邦成

弊之注邦成八成也以官成待萬民之治故書弊為愆

鄭司農云愆當為弊邦成謂若今時決事比也弊之斷

其獄訟也故春秋傳曰弊獄邢侯音義
弊必世反斷也後訓斷者皆同

愆劉芳減反又音疏注釋曰大宰云以官成待萬民之

卑設反比必利反治是以庶民有獄訟故以邦成弊

之弊亦斷也異其文耳云邦成八成也者則小宰云一

曰聽政役以比居二曰聽師田以簡稽已下是也先鄭

云邦成謂若今時決事比也者此八者皆是舊法成事

品式若今律其有斷事皆依舊事斷之其無條取比類

以決之故云決事比也春秋傳者春秋左氏傳晉邢侯

與雍子爭鄙田邢侯不勝乃弊獄邢侯引之者證弊為

次定日車全書 周禮注疏 二十五

斷義也 **大祭祀奉犬牲**注奉猶進也 疏釋曰犬屬西方金

司寇奉進犬牲也 **若禋祀五帝則戒之日**注誓百官戒于百族

注戒之日卜之日也百族謂府史以下也郊特牲曰卜

之日王立于澤親聽誓命受教諫之義也獻命庫門之

內戒百官也太廟之內戒百姓也 疏釋曰禮之言煙禋

四郊及總享五帝於明堂也云戒之日者謂前十日卜

之日卜吉即戒之使散齊云注誓百官者謂餘官誓百

官之時大司寇則臨之云戒於百族者大司寇親自戒

之其百官所戒者當大宰為之是以大宰云祀五帝前

期十日帥執事而卜日遂戒故知大宰戒百官也若然

大宰云祀五帝則掌百官之誓戒大宰雖云掌百官誓

戒則親之誓則掌之而不親誓何者此司寇半於
大宰此云准誓百官豈司寇得臨大宰乎故知大宰掌
之餘小官誓之司寇臨之也注釋曰鄭知百族府史以
下者以其王之百姓亦同大宰戒之故知百族府史胥
徒也引郊特牲者欲見百族非王之親是府史以下也
云獻命庫門之內戒百官也者王自澤宮而運入皋門
至庫門之內大宰獻命即戒百官又於庫門內而東
入廟門廟門之內戒百姓彼注云百姓王之親也以親
故入廟

及納亨前王祭之日亦如之注納亨致牲音義

亨普庚反劉普孟反

疏釋曰鄭云納亨致牲者謂將祭

注同下納亨故此

疏之辰祭之日謂旦明也此二者

大司寇為王引奉其明水火注明水火所取於日月者
道故云亦如之

疏注釋曰司烜氏以陽燧取火於日中以陰鑑取水於
月中明者潔也王人誠明潔水火乃可得是明水火

所取於日月者也奉此水火者水以配鬱也與五森火以給燹亨也

凡朝覲會同前王大

喪亦如之注大喪所前或嗣王疏

釋曰朝覲不言大則四時朝也會同謂時

見曰會殷見曰同此皆司寇在王前為導也其大喪亦如之亦導王也注釋曰知嗣王者以經云大喪是王喪復云前王明是嗣王也言或者大喪或是先后及王世子皆是大喪若先后及世子大喪則王為正王也既言前王明以先后世子為正故云或嗣王也凡大喪之禮有三大宰云大喪贊贈玉舍玉大司馬云大喪平士大夫此主謂王喪大宗伯云朝覲會同則為上相大喪亦如之注云王后世子及此大喪亦如之二者容有先后及后世子又宰夫云大喪小喪掌小官之戒今注云大喪王后世子也小喪夫人以下然則大喪與小喪相連則不容大軍旅涖戮于社注社謂社主在軍者也鄭司

農說以書曰用命賞于祖不用命戮于社

疏釋曰鄭知社謂社

主在軍者也者以其大軍旅非在國故先鄭引書為證彼書謂甘誓啟與有扈戰于甘之野誓士衆辭社是陰殺亦陰賞是陽祖是遠主亦陽故各於其所必於祖社主前者尊祖嚴社之義也

凡邦之大事

使其屬蹕注屬士師以下也故書蹕作避杜子春云避

當為辟謂辟除姦人也玄謂蹕止行也音義

蹕本亦作趨音畢

疏釋曰云凡邦之大事者言凡語廣則國有大事王動行皆使其屬蹕注釋曰鄭知其屬是士師以下者見

士師職云諸侯為賓則帥其屬而蹕于王宮注云諸侯來朝若饗食時士師云帥其屬則士師以下上士中士

下士皆蹕知者以此注云士師以下故也

小司寇之職掌外朝之政以致萬民而詢焉一曰詢國

危二曰詢國遷三曰詢立君注外朝朝在雉門之外者

也國危謂有兵寇之難國遷謂徙都改邑也立君謂無

冢適選於庶也鄭司農云致萬民聚萬民也詢謀也詩

曰詢于芻蕘書曰謀及庶人音義難乃旦反適丁疏釋

外朝之職朝士專掌但小司寇既為副貳長官亦與朝

士同掌之耳故云掌外朝之政云以致萬民者案下文

羣吏註在內而此經獨云致萬民者以羣吏在朝是常

萬民不合在朝惟有大事及疑獄乃致之故特言之也

注釋曰外朝在雉門之外則亦在庫門之外也云國危

謂有兵寇之難者謂鄰國來侵伐與國為難者也云國

遠謂徙都改邑也者謂王國遠徙若殷之盤庚遠殷之類若遠師大夫都邑不在詢浪云立君謂無冢適選於庶也者冢適雙言業內則而言謂適后所生最長者為冢若無冢適后所生次冢以下為適則適者非一若無適則於衆妾所生擇立之衆妾所生非一是以須與衆人共詢可否此三者皆揀衆心衆同乃可任用也先鄭引詩及書者證其位王南鄉三公及州長百姓北面羣致萬民之意也

臣西面羣吏東面注羣臣卿大夫士也羣吏府史也其

孤不見者孤從羣臣卿大夫在公後音義

鄉許亮反長丁文反見賢

適

注釋曰案射人及司士孤位皆西方東西北上今

反疏

此獨在東方西面從羣臣之位者孤無職尊之如

賓恒在西但此三詢之朝即朝士所掌之位案朝士外朝云左九棘孤卿大夫位馬羣士在其後右九棘公侯

伯子男位馬羣更在其後面三槐三公位馬州長衆庶
在其後以此故知孤從羣臣之位三公北面者崇郊特
牲君之南鄉蒼陽之義也臣之北面蒼君也三公臣中
之尊北面屈之蒼君之意知卿大夫在公後者以州長
衆卿之屬在公後又二卿公一人卿大夫亦在公
後可知也每卿大夫皆別命卿為之六卿別也

小司

寇擯以敘進而問焉以衆輔志而弊謀注擯謂揖之使

前也敘更也輔志者尊王賢明也音義

擯兵刃反注同更音庚

疏

釋曰云以敘進者案小宰六敘皆先尊後卑則此言以
敘進謂先公卿以次而下注釋曰此既在朝立定而問
之明擯者無別相見之禮故知以次一一揖之使前問
之云輔志者尊王賢明也者專欲難成捨己稽衆聖人
無心以百姓心為心今能以衆
輔成志是尊王賢明者也

以五刑聽萬民之獄訟

附于刑用情訊之至于旬乃弊之讀書則用灋注附猶著也故書附作付訊言也用情理言之冀有可以出之者十日乃斷之王制曰刑者例也例者成也一成而不可變故君子盡心焉鄭司農云讀書則用灋如今時讀

鞫已乃論之音義

訊音信盡津忍反鞫九六反

疏

釋曰云附于刑用情訊之者以囚所犯罪附於五刑

恐有枉濫故用情實問之使得真實云至於旬乃弊之者緩刑之意欲其欽慎也云讀書則用灋者謂行刑之時當讀刑書罪狀則用灋刑之注釋曰引王制云刑者例也者上刑為灋下例為著謂行灋著人身體又訓為成者意取一成不可變死者不可復生斷者不可更續是其不可變也故君子盡心焉不可濫此釋用情訊之也漢時讀鞫已乃論之者鞫謂劾囚

之要辭行刑之時請已乃論其罪也

凡命夫命婦不躬坐獄訟注為治獄

更褻尊者也躬身也不身坐者必使其屬若子弟也喪

服傳曰命夫者其男子之為大夫者命婦者其婦人之

為大夫妻者春秋傳曰衛侯與元咺訟甯武子為輔鉞

嚴子為坐士榮為大理音義

為治于偽反咺况况反鉞其廉反嚴劉音莊左傳作

莊案漢書明帝名莊改為嚴

疏

注釋曰古者取囚要辭皆對坐治獄之吏皆有嚴威恐獄吏褻尊故不使

命夫命婦親坐若取辭之時不得不坐當使其屬或子弟代坐也引喪服傳者喪服經有大夫命婦子夏傳解

之云命夫者其男子之為大夫者也今此云命夫者其男子之為大夫者誤當以彼為云大夫者

二十八年衛侯坐殺弟叔武元咺訴於晉晉使人斷之引之者證命夫命婦不身坐獄訟之事若然元咺甯子鍼莊子皆大夫得坐訟者大夫身不得與士坐訟若兩大夫或代君皆得坐無嫌以是衛侯不得坐使莊子與元咺對坐也若然觀此文命夫命婦唯據大夫不通士案內宰云佐后使治外內命婦先鄭云外命婦卿大夫之妻後鄭云士妻亦為命婦又閭人云凡外內命夫命婦注內命夫卿大夫士之在宮中者如是士及士妻亦得為命夫命婦者彼皆據王臣而言王之士有三命二命一命皆得王命此文兼諸侯臣子男士則不命以是知此文命夫命婦惟專據大夫為文不通士也

凡王之同族有罪不即市注鄭

司農云刑諸甸師氏禮記曰刑于隱者不與國人慮兄

弟疏

注釋曰此因上論斷獄之事故說王之同族有罪不即市者不與國人慮兄弟也故先鄭云當刑諸

旬師氏故旬師云王之同姓有卑則死刑馬是也必於
旬師者旬師字耕耨王籍其場上多屋就隱處刑之引
禮記者文王世子文彼據諸侯濫云刑于隱者謂就屋
中云不與國人慮兄弟者若在市朝刑殺國人見之亦
謀慮兄弟是與國人慮兄弟若不於市朝
是不與也天子之禮亦然故引為證也
以五聲聽獄

訟求民情

疏釋曰案下五事惟辭聽一足聲而以五聲
目之者四事雖不足聲亦以聲為本故也

案呂刑云惟貌有稽在獄定之後則此五聽亦在
要辭定訖恐其濫失更以五聽觀之以求民情也
一曰

辭聽

注觀其出言不直則煩疏

疏釋曰直則言要理深
虛則辭煩義寡故云不

煩直則

二曰色聽注觀其顏色不直則赧然音義

赧反女疏

注釋曰理直則顏色有屬理曲則顏色愧赧小爾雅云
不直失節謂之慙愧面慙曰赧心慙曰慙體慙曰悛

三曰氣聽注觀其氣息不直則喘音義

喘昌反

疏

注釋曰虛本心

知氣從內發理既不直吐氣則喘既

四曰耳聽注觀其聽聆不直則惑音

義

聆音零

疏

注釋曰尚書云作德心逸日休作偽心勞日拙觀其事直聽物明審其理不直聽物致疑

五曰目聽注觀其眸子視不直則眊然音義

眊莫侯反劉無不反

既莫報反本又作旄同

疏

注釋曰目為心視視由心起理若直實視聆分明理若虛陳視乃眊亂

以

八辟麗邦灋附刑罰注辟灋也杜子春讀麗為羅玄謂

麗附也易曰日月麗乎天故書附作付猶著也疏

釋曰案曲

禮云刑不上大夫鄭注云其犯灋則在八議輕重不在刑書若然此八辟為不在刑書若有罪當議議得其罪

乃附邦瀆而附于刑罰也注釋曰以辟為瀆謂八者之瀆子春諸麗為羅後鄭不從謂麗附也破于春為羅若作羅則入羅網當在刑書何須更議之也後鄭以不在刑書故須議議訖乃附邦瀆易曰日月麗乎天但天自然無形而得附著者天者自然之氣日月在虛空而附自然之氣故得為附著也

一曰議親之

辟

注鄭司農云若今時宗室有罪先請是也疏

釋曰親謂五屬

之內及外親有服者皆是議限親不假貴故賢能及功勤若貴亦不做餘賢能之等各據一邊則得入議假令既有親兼有餘事亦不難議限

二曰議故之辟注故謂舊知也鄭司農

云故舊不遺則民不偷音義

偷他侯反疏注釋曰此故徐吐豆反舊據王為言

是以大宗伯注故舊朋友謂共在學者若伐木詩亦是故反之類先鄭引論語故舊不遺則民不偷言民不偷

上行下效亦據人君而說故引以證議故也

三曰議賢之辟注鄭司農云若

今時廉吏有罪先請是也玄謂賢有德行者音義

行下孟反

疏

注釋曰先鄭舉漢廉吏為賢後鄭足成故言賢有德行者謂若鄉大夫與賢者能者賢即有六德六行者

也四曰議能之辟注能謂有道藝者春秋傳曰夫謀而

鮮過惠訓不倦者叔向有焉社稷之固也猶將十世宥

之以勸能者今壹不免其身以棄社稷不亦惑乎音義

夫音扶鮮息淺

反疏注釋曰云能謂有道藝者此即鄉大夫與能者能有道藝若保氏云掌養

國子以道而教之六藝是國子賢者有德行無道藝若能者惟有道藝未必兼有德也引春秋傳者左氏襄二

十一年叔向被囚祁奚作此辭以告晉侯使赦小罪存大能引之者證以能議也

五曰議功之

辟注謂有大勲勞立功者疏

釋曰此即司勲所掌王功國功之等皆入此功也是

以彼皆言功為首也

六曰議貴之辟注鄭司農云若今時吏墨綬

有罪先請是也疏

注釋曰先鄭雖引漢灋墨綬為貴若據周大夫以上皆貴也墨綬者漢灋

丞相中二千石紫金印紫綬御史大夫二千石銀印黃綬縣令六百石銅印墨綬是也

七曰議勤之

辟注謂憔悴以事國音義

憔悴昨暹反疏注釋曰秦詩云憔悴反疏注釋曰秦詩云

此已上七者雖以王為主諸侯一國之尊賞罰自制亦應有此議灋是以議能鄭引叔向之事是其一隅也惟八曰議賓惟據王者者八曰議賓之辟注謂所不臣者三

而言不及諸侯也

八曰議賓之辟注謂所不臣者三

恪二代之後與音義

與音疏

注釋曰春秋襄二十五年傳有虞闕父為周陶正而

封諸陳以備三恪之言郊特牲有尊賢不過二代之語

故鄭云三恪二代之後案樂記云武王克殷及商未及

下車而封黃帝之後於薊封帝堯之後於祝封帝舜之

後於陳下車而封夏后氏之後於杞殷之後於宋此皆

自行當代禮樂王所不臣為賓禮禮之故為賓也言與

者經直云賓不斥所據約彼同之故云與以疑之也

以三刺斷庶民獄訟之中注中謂罪正所定音義

刺七賜反

斷丁亂反

疏

釋曰此經與下文為目但三刺之言當是後皆同罪定斷訖乃向外朝始行三刺庶民已上

皆應有刺直言庶民者庶民賤恐不刺賊者尚刺已上

刺可知注釋曰云中謂罪正所定者斷獄終始有三刺

刺則罪正所定即當行

一曰訊羣臣二曰訊羣吏三曰

刑故云罪正所定也

訊萬民注刺殺也三訊罪定則殺之訊言也疏釋曰云

士已上云羣吏者府史胥徒庶人在官者云萬民者民間有德行不仕者注釋曰云刺殺三刺罪定即殺之但

所刺不必是殺餘四刑亦當三刺直言殺者舉法重者而言其實皆三刺是以下文云聽民之所刺宥以施上

服下服之刑是聽民之所刺宥以施上服下服之刑注

宥寬也民言殺殺之言寬寬之上服劓墨也下服宮劓

也音義劓魚器反劓音疏釋曰墨劓施於面故為上服

行刺必先以物規之如及大比登民數自生齒以上登

于天府注大比三年大數民之衆寡也人生齒而體備

男八月而生齒女七月而生齒音義比毗志反注同上

所主

疏

釋曰小司寇至三年大按比之時則使司民之

反官登上民數自生齒已上皆登之小司寇乃登

於天府注釋曰云男八月女七月而生齒者按家語本

命男子八月生齒八歲而齒齒女子七月而生齒七歲

而齒齒男子陽得陰而生得陰而落女子

陰得陽而生得陽而落故男偶女奇也

內史司會冢

宰貳之以制國用注人數定而九賦可知國用乃可制

耳疏

釋曰內史掌八柄之等司會主計會冢宰所主兼設故皆取副貳民數簿書得民數乃制國用以其

國用出於民故也注釋曰云人數定九賦可知國用

乃可制者鄭偏據九賦而言至九貢九功亦可知也小

祭祀奉犬牲注奉猶進也疏

釋曰大祭祀自大司寇所犬牲若小祭祀王立冕所

祭則小司寇
奉進大牲也
凡禋祀五帝實鑊水納亨亦如之注納亨

致牲也其時鑊水當以洗解牲體肉音義

鑊戶疏釋曰郭反云禋

祀五帝者祭天曰燔柴即禋祀也故云禋祀五帝五帝所祀謂四時迎氣總享明堂實鑊水以擬洗肉所用也納亨亦如之納亨致牲謂將祭亨祭之晨實以水亨牲也注釋曰鄭知實鑊水為洗解牲肉者以下云納亨亦如之是實鑊水亨煮肉故知此是洗肉也封人云共其水橐亦謂洗牲肉也

大賓客前王而

辟注鄭司農云小司寇為王道辟除姦人也若今時執

金吾下至令尉奉引矣音義

辟婢亦反劉符益反一音匹亦反沈音避注同後而

辟皆放此

疏釋曰下士師云諸侯為賓帥其屬蹕於王道音導 疏宮饗燕時此小司寇為王辟亦謂於宮中

饗燕在寢及廟時也注釋曰云若今時執金吾下至今尉奉引者漢時執金吾及今尉為帝奉引猶如小司寇

為王導故引以為况后世子之喪亦如之疏釋曰謂后世子之喪當朝廟之時王出入

亦為王而辟也小師泣戮注小師王不自出之師疏注釋曰王

卿大夫出軍閭外之事將軍裁之軍將有所新戮於社主前則小司寇泣戮也凡國之大事使

其屬蹕注屬士師以下疏注釋曰此國之大事即士師

其屬則士師已下皆蹕故此據而言之孟冬祀司民獻民數於王王拜受

之以圖國用而進退之注司民星名謂軒轅角也小司

寇於祀司民而獻民數於王重民也進退猶損益也國

用民衆則益民寡則損疏

釋曰前文大比登民數於天府據三年大比而言此則據

年年民數皆有增減於孟冬春官祭司民之時小司寇

以民數多少獻於王也注釋曰案星經軒轅角有大民

小民之星是軒轅角也云國用民衆則益民寡則損者

國家所用財物由民上而來是以國用多少要由民衆

寡故民衆則益豐用之民寡則損儉用之

歲終則令羣士計獄弊訟登中于

天府注上其所斷獄訟之數疏

釋曰羣士謂鄉士遂士已下皆是必登斷獄之

書於祖廟天府者重其斷刑使神監之

正歲帥其屬而觀刑象令以木鐸

曰不用灋者國有常刑令羣士注羣士遂士以下疏

注釋

曰此所戒令六官各因其所掌知羣士是遂士以下者以其鄉士已入帥其屬中遂士縣士方士訝士等雖是

六十官之屬以其主六遂以外漸遠恐不在屬中故經特云令羣士明羣士是遂士以下可知

乃宣布于四方憲刑禁注宣徧也憲表也謂縣之也刑禁士師

之五禁音義

徧音通 疏釋曰此所宣布則布憲所云者是也此官主之彼乃布之事相成也

乃命其屬入會乃致事注得其屬之計乃令致之於王

音義

會古外反後要會之字皆放此 疏釋曰命其屬謂命已下屬官使入會計文狀來乃致事於王故

云乃乃
緩辭

士師之職掌國之五禁之灋以左右刑罰一曰宮禁二曰官禁三曰國禁四曰野禁五曰軍禁皆以木鐸徇之

于朝書而懸于門閭注左右助也助刑罰者助其禁民

為非也官王宮也官官府也國城中也古之禁書亡矣

今宮門有符籍官府有無故擅入城門有離載下帷野

有田律軍有翬謹夜行之禁其狗可言者音義

瀆音法左音佐

右音又注左右助也同狗似俊疏釋曰凡設五刑者刑

反縣音懸狗劉音粗沈才古反期于無刑以刑止刑

以殺止殺殺一人使萬人懲是欲不使犯罪今於刑外

豫施禁禁民使不犯刑是左右助刑罰無使罪麗于民

也云書而懸于門閭者爾雅云巷門謂之間則縣于處

處巷門使知之注釋曰云官王宮也者謂鼻門也云官

官府也者謂廬官人聽事之門云國城中者若王城十

二門云古之禁書亡矣者謂在儀禮三千條內而在亡

中故舉漢灑以況之云離戴下惟者謂在車離耦耦戴而下惟恐是姦非故禁之云猶可言者古之禁書具不惟如此故云

猶可言也

以五戒先後刑罰毋使罪麗于民一曰誓

用之于軍旅二曰誥用之于會同三曰禁用諸田役四

曰糾用諸國中五曰憲用諸都鄙注先後猶左右也誓

誥於書則甘誓湯誓大誥康誥之屬禁則軍禮曰無干車無

自後射此其類也糾憲未有聞焉音義

誥戶報反疏釋射食亦反

戒與禁謂典灑則亦是所用異異其名耳同是告語使不犯刑罰注釋曰先後猶左右也者皆是相助之義異其名而已云甘誓者啓與有扈戰於甘之野作甘誓云湯誓者湯將伐桀以誓衆云大誥者武王崩周公輔相

成王命以大義告天下以誅三監故作誥云康誥者周公以成王命封康叔於殷墟誥康叔以治政之事故作誥云之屬者仍有恭誓費誓召誥洛誥之等故言之屬也凡誥誓皆因大會乃為之故用之於軍旅用之於會同也云禁則軍禮曰無干車無自後射此其類也者考比之九五曰王用三驅失前禽注云王因天下顯習兵于蒐狩焉驅禽而射之三發則已失前禽者謂禽在前來者不逆而射旁去又不射惟其走者順而射之不中亦已是皆所習軍禮用兵之灋亦如之降者不殺奔者不禁背敵不殺以仁恩養威之道若然此不自後射亦謂不中之後不重射前敵不破則

掌鄉合州黨族閭比

之聯與其民人之什伍使之相安相受以比追胥之事

以施刑罰慶賞注鄉合鄉所合也追追寇也胥讀如宿

僭之僭僭謂司搏盜賊也音義

比毗志反下同追如字劉思

敘反注僭同搏

疏

釋曰士師掌

鄉中合聚之灋者以為

音博劉音付

有施刑罰也

云州黨族閭比之聯即

是鄉合之事云與其人民之什伍者此即因內政寄軍

令之類五家為比比即一伍也二伍為什據追胥之時

云使之相安相受者宅舍有故使當比當閭相受寄託

使得安穩也云以比追胥者以比什伍使任追胥二事

也云以施刑罰慶賞者使鄰伍相及也注釋曰云追追

寇者即公追戎於濟西是也胥請如宿僭之僭者時有

夜宿逐賊謂之僭

即司搏盜賊是也**掌官中之政令注大司寇之官府中**

也疏

注釋曰士師所施政今惟在當

官故鄭云大司寇之官府中也**察獄訟之辭以詔**

司寇斷獄弊訟致邦令注詔司寇若今白聽正灋解也

致邦令者以瀆報之疏

釋曰獄訟辭訴各有司存謂若卿士選士縣士方士各主當司

之獄訟其有不決來問都頭士師者則士師審察以告

大司寇斷獄弊訟也云致邦令者此即所察獄訟斷訖

致與本官謂掌士之八成注鄭司農云八成者行事有

八篇若今時決事比音義

比必疏釋曰士之八成言士利反者此八者皆是獄官

斷事成品式士即士師已下是也注釋曰先鄭云八成

者行事有八篇若今時決事比者即若小宰八成凡言

成者皆舊有成事品式後人依

而行之決事以前比類決之一曰邦洵注鄭司農云

洵讀如酌酒尊中之酌國洵者斟酌盜取國家密事若

今時刺探尚書事音義

洵上灼反注同斟之林反酌音灼刺七亦反又七賜反疏

注釋曰云沟讀如酌酒尊中之酌者俗讀之若今刺探尚書事者漢時尚書字機密有刺探尚書密事斟酌私知故舉

二曰邦賊注為逆亂者疏

注釋曰既云邦賊罪無過此故知為逆亂

若崔杼州

三曰邦謀注為異國反間音義

謀音牒間音間疏

注釋曰異國欲來侵伐先遣人往間候取其委曲反來說之其言謀謀然故謂之邦謀用兵之策莫善於此故

孫子兵法云興師十萬日費千金內外騷動以爭一日之勝而受爵祿金寶於人者非民之將故三軍之事莫密於反間殷之興也伊摯在夏周之興也呂牙在殷唯賢聖將能用間以成此兵之要者也

四曰犯

邦令注干冒王教令者音義

冒音墨疏注釋曰鄭云干冒王教令者謂犯邦

令不肯依行 五曰橋邦令注稱詐以有為者音義

橋音疏注

曰橋即詐也故鄭云稱詐以有為者謂詐上命營構偽物之類也

六曰為邦盜注竊取

國之寶藏者音義

藏才疏注釋曰謂若定八年陽貨盜浪反疏竊寶玉大弓以出奔之類是

也七曰為邦朋注朋黨相阿使政不平者故書朋作備

鄭司農云備讀如朋友之朋音義

備劉音崩徐音疏注朋又補鄧反

曰朋謂朋黨阿曲相阿達國家正濃擅生曲私使政不平以周國廢故曰邦朋也

八曰為邦誣

注誣罔君臣使事失實疏

注釋曰謂若君臣相得政教平美其有佞臣誣以惡事致

使善政失實者也

若邦凶荒則以荒辯之灋治之注鄭司農云

辯讀為風別之別救荒之政十有二而士師別受其教

條是為荒別之濫立謂辯當為貶聲之誤也遭飢荒則

刑罰國事有所貶損作權時濫也朝士職曰若邦凶荒

札喪寇戎之故則令邦國都家縣鄙慮刑貶音義

辨依注音

貶風別之別皆彼列反下傳別及注同數所主反

疏

釋曰凶荒謂年穀不熟民皆困苦則以荒貶之濫治

之不得用尋常之濫注釋曰先鄭之言義無所據故後鄭不從後鄭破辯為貶從朝士職之文也朝士職慮刑

貶者彼謂謀慮緩刑減損國用為民困苦故也令移民通財糾守緩刑注移民

就賤救困也通財補不足也糾守備盜賊也緩刑紓民

心也音義

紓音舒本亦作舒

疏

注釋曰移民就賤謂可移者將身往也通財補不足謂不可移

者即於豐處將財殺以補不足凡以財獄訟者正之以傳別約劑注傳

別中別手書也約劑各所持券也故書別為辨鄭司農

云傳或為符辨讀為風別之別若今時市買為券書以

別之各得其一訟則案券以正之音義

傳音附注同約於妙反又如字

疏

注釋曰此注云傳別中別手書也小宰注為大手書於一札中字別之語異義同此先鄭云若今時市買

為券書以別之各得其一義與後鄭同故引之在下小宰注先鄭云傳著約束於文書別別為兩兩家各得其

一後鄭不從先鄭至此更為一解故從之若祭勝國之社稷則為之尸注以

刑官為尸略之也周謂亡殷之社為亳社音義

亳步各反疏

注釋曰案鳧鷖詩宗廟社稷七祀皆稱公尸不使刑官
今祭勝國之社稷用士師為尸故鄭云用刑官為尸略
之也云周謂亡殷之社為亳社者經云勝國注為亡殷
又云亳社者據周勝殷謂之勝據殷亡即云亡國即郊
特牲云喪國之社必屋之是也據地
而言即言亳社春秋亳社災是也

王燕出入則前驅

而辟注道王且辟行人音義

道音導下三公
道盜賊道同

疏注釋曰
導王解

前驅且辟行人解而辟
言燕出入謂宮苑皆是

祀五帝則沃尸及王盥洎饋水

注洎謂增其沃汁音義

洎其器反
或音冀

疏

注釋曰案特牲少
牢尸尊不就洗入

門北面則以盤匱盥手王盥謂將獻尸時先就洗盥洎
饋水增其沃汁饋在門外之東亨牲之變言須饋水就
變增之亨實饋水此官增之示敬而已此直言祀五帝
沃尸及王盥其餘冬至夏至及祭先王先公所沃盥者

案小祝職云大祭祀沃尸盥小臣職云大祭祀朝覲沃王盥如是則冬至夏至及先王先公小祝沃尸盥小臣

沃盥惟在宗廟為禱時凡剝珥則奉犬牲注珥讀為珥

剝珥蒙禮之事用牲毛者曰剝羽者曰珥音義剝音機

珥而志反疏注釋曰鄭知珥為珥者珥是王名故破從

成廟則蒙之門夾室皆用雞其珥皆於屋下彼雖不言

剝剝珥相將故知是蒙禮知用牲毛者曰剝羽者曰珥

者雜記難言珥諸侯為賓則帥其屬而蹕于王宮注謂

諸侯來朝若燕饗時疏釋曰士師言帥其屬當官下云

云蹕于王宮饗在廟燕在寢大喪亦如之疏釋曰大喪

言于王宮故知燕饗時也

大喪亦如之

疏釋曰大喪

朝廟亦在宮中為璋也

大師帥其屬而禁逆軍旅者與犯師禁者

而戮之注逆軍旅反將命也犯師禁干行陳也音義將子

匠反行戶剛疏釋曰帥其屬亦謂上士已下在軍而戮反陳直刃反亦謂戮於社主前注釋曰逆軍旅反將

命者王在軍自將違王命亦是反將命王不在相外之事將軍戮之亦是反將命犯師禁干行陳者干犯軍之

行陳茶昭元年晉荀吳敗狄于太原將戰魏絳曰請皆卒自我始荀吳之妻人不肯即卒斬以徇襄三年難澤

之盟晉侯之弟楊干亂行於曲梁魏絳戮其僕魏絳曰軍事有死無犯為敬此二者是反將命干行陳之事也

歲終則令正要會注定計簿音義簿步疏注釋曰定計古反簿者年終將

考之故也正歲帥其屬而憲禁令于國及郊野注去國百里

為郊郊外謂之野

釋曰正歲憲禁令者取除舊布新之義言于國及郊野者則自國至

百里外皆憲禁之也注釋曰云去國百里曰郊司馬遷文郊外謂之野爾雅文

周禮注疏卷三十四

周禮注疏卷三十四考證

罪隸百有二十人疏數以百二十人為限○監本脫以
百二十人五字今補入

萍氏下士二人音義蚘蟻郭注云甲蟲大如虎豆綠
色○監本脫郭注下十一字今依釋文并爾雅原文
補正

伊耆氏疏云始為蜡以息老物者郊特牲及春官籥章
文○監本脫及春官籥章五字息老物籥章有之今

補正

大司寇之職注書曰王旒荒度作詳刑○旒尚書作耄
今從釋文又尚書無詳字

以兩劑禁民獄疏質人云大市以質小市以劑○質人
監本訛作貨又今据質人職文改正

一曰訊羣臣注刺殺也○刺殺也三字句應屬上節經
以三刺斷庶民獄訟之中下

周禮注疏卷三十四考證

謹案第十二頁後二行友徐音跋刊本音訛皆今
改





覆校官編修臣劉種之

校對官編修臣李光雲

膳錄監生臣魏綿曾